

**Siunnersummut nassuaatit****Nalinginnaasumik nassuaatit****1. Aallaqqaasiut:**

Suleriaaseq atuuttoq 1999-imi suliarineqarpoq Inatsisartut Naalakkersuisullu pillugit Inatsisartut inatsisaat nr. 11, ulloq 20. oktober 1988-imeersoq kingusinnerusukkut allannguutai ilanngullugit aallaavigalugu. Suleriaaseq 1999-imeersoq tamatuma kingorna ukiuni 2000-imi, 2001-imi, 2003-mi, 2008-mi kingullermi ulloq 9. april 2010 allanngortinneqarpoq.

2009-mi Namminersornerup eqqunneqarneratigut Inatsisartullu ataatsimiinneranni matumani Inatsisartut Naalakkersuisullu pillugit Inatsisartut inatsissaattut siunnersummik saqqummiussisoqarneratigut suleriaasissap ullutsinnut naleqqussarneqarnissaa pisariaqarpoq, Inatsisartut Naalakkersuisullu pillugit inatsisartut inatsisaannut nr. 11-mut, ulloq 20. oktober 1988-imeersumut atuuttumut taarsiullugu Inatsisartut Naalakkersuisullu pillugit Inatsisartut inatsissaannut nutaamut siunnersummik aallaaveqalersillugu.

Inatsisartut Naalakkersuisullu pillugit Inatsisartut inatsissaattut siunnersuutip malitsigaa Inatsisartut Naalakkersuisullu pillugit inatsisartut inatsisaata nr. 11-ip, ulloq 20. oktober 1988-imeersup atorunnaarsinneqarnissaata siunnersuutigineqarnera. Inatsisartut inatsisaanni aalajangersakkat ilaat Inatsisartut Naalakkersuisullu pillugit Inatsisartut inatsissaannut siunnersummik ingerlateqqinneqarput, peqatigitillugulu aalajangersagarpassuit Inatsisartut namminneq aaqqissuussaanerannut tunngasut inatsimmit peerneqarlutik.

Suleriaaseq atuuttoq Inatsisartut Naalakkersuisullu pillugit inatsisartut inatsisaanni nr. 11-mi, ulloq 20. oktober 1988-imeersumi aalajangersakkanik assigiinnngitsunik imaqarpoq. Pissutsini allani suleriaaseq atuuttoq inatsisartut inatsisaanni aalajangersakkanut tapertaavoq saneqqutsinernilluunniit aalajangersaaviulluni.

Inatsisartut Suleriaasissaannut nutaamut siunnersuut suleriaatsimik atuuttumik ingerlatitseqqiineruvoq Inatsisartut Naalakkersuisullu pillugit Inatsisartut inatsissaannut siunnersuutip tamatumunngalu atatillugu Inatsisartut Naalakkersuisullu pillugit inatsisartut inatsisaata nr. 11, ulloq 20. oktober 1988-imeersup atorunnaarsinneqarnissaanik siunnersuutip malitsigisaannik suleriaatsimi ingerlateqqinneqartariaqartutut isigineqartunik allannguuteqartillugu.

Taamatuttaaq siunnersuutip danskisuani taaguutit iluarsineqarput. Danskisut taaguutit "Landstinget" aamma "Landsstyret" kalaallisut taaguutinik "Inatsisartut" aamma "Naalakkersuisut"-nik taarserneqarput. Taamatuttaaq danskisuani oqaatsit "Landstinget" aamma "Landsstyret" oqaasilerinikkut allatut atorneqartillugit iluarsiisoqarluniluunniit oqaaseqatigiinnik allanngortitsisoqartarpoq.

Inatsisartut Naalakkersuisullu pillugit inatsisartut inatsisissaannut nutaamut siunnersuutikkut naatsorsuutigineqarpoq siunissami inatsisartut peqqussutaattut inatsisiliortoqarnissaanut siunnersuutinik siunissami saqqummiussisoqartassanngitsoq, taamaallaalli inatsisartut inatsisissaattut siunnersuutinik.

Tamatuma malitsigisaanik aalajangersakkat maannamut Inatsisartut peqqussutaatigut inatsisiliortoqartarnissaanik naatsorsuutiginniffiusut suleriaasissamut siunnersuummi iluarsineqartarsimapput. Malitsigisamik allanngortitsinerit tamakku siunnersuut paasiuminarneroqquillugu aalajangersakkanut ataasiakkaanut nassuaatini taaneqarneq ajorput.

Taakku saniatigut aamma aaqqissuussaanikkut ataasiakkaanik iluarsiisoqartarpoq imarisaanut sunniuteqanngitsunik.

Siunnersuutip aalajangersagartaanut ataasiakkaanut nassuaatini taaguutinik taakkuluunniit malitsigisaannik aaqqissuussaanikkut allannguutit siunnersuut paasiuminarneroqquillugu taaneqarneq ajorput.

Suleriaasissamut siunnersuut aalajangersakkanik ataasiakkaanik imaqarpoq Inatsisartut Naalakkersuisullu pillugit inatsisartut inatsisissaattut siunnersuummi aalajangersakkat assinginik imarisamikkuulluunniit naapertuuttunik. Aalajangersakkat taakku suleriaatsip ulluinnarneri atoruminarnerunissa pissutigalugu ilanngunneqarsimapput, taamaaliornikkut suleriaasissaq ajornannginnerusumik atorneqarsinnaaniassammat Inatsisartut Naalakkersuisullu pillugit Inatsisartut inatsisaanni, tamatumunnga siunnersuut akuerineqareeriaroat, qupperaanngikkaluarluni.

Aalajangersakkanut arlalinnut nassuaatit tamanna pissusissamisoortillugu allatut ilusililaarlugit suleriaatsimut atuuttumut 1999-imeersumut allannguutissatullu siunnersuutinut kingusinnerusukkut akuersissutigineqartarsimasunut nassuaataaqqaarsimasunit ingerlatitseqqiinerupput. Taamaaliornikkut suleriaatsimut atuuttumut sanilliullugu imarisaasigut allanngortitsinissaq siunertaasimannilaq, aalajangersakkat nutaat allanngortinneqarsimasulluunniit pineqartinnagit.

Nassuaatini taamatuttaaq suleriaatsimut atuuttumi, Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1999-imeersumi aamma Inatsisartut Naalakkersuisullu pillugit Inatsisartut inatsisissaannut siunnersuummi aalajangersakkanut ataatsikkut innersuussisoqartarpoq. Taamaaliornikkut siunertaavoq inatsisartut inatsisaanni atuuttumi inatsisartullu inatsisissaannut nutaamut siunnersuummi aalajangersakkat suut Inatsisartut Suleriaasissaannut nutaamut siunnersuummi aalajangersakkanut atanersut.

## 2. Siunnersuutip immikkoortui pingarnerit:

Siunnersuutip allannguutitavii pingarnerit ukununnga tunngapput:

- Inatsisartut ataatsimiinnerinut oqaluuserisassanik aalajangersaasinnaanerup Inatsisartunit Oqaluuserisassat pillugit ataatsimiititaliamut ataatsimiititaliaagallartumulluunniit nuunneqanera, tak. § 4, imm. 1.

- § 5, imm. 3-ip, Naalakkersuisunut ilaasortat amerlassuiat pillugu aalajangersakkap, allanngortinneqarnera aalajangersagaq 2003-imit inatsisitigut inissisimasimanermut aamma Inatsisartut Naalakkersuisullu pillugit inatsisartut inatsisisaannut siunnersuummi § 22, imm. 3-mut naapertuuttungortillugu.
- Kukkunersiusinermut ataatsimiititaliap aamma Aningaasaqarnermut ataatsimiititaliap pilersinneqartarerat pillugu § 7-ip allanngortinneqarnera, ataatsimiititaliat taakku siunissami inissitsiterluni ataatsimiinnerni upernaakkullu ataatsimiinnerit tamaasa pilersinneqartartussanngorlugit, ataatsimiititaliat allat maannamutut inissititerluni ataatsimiinnermi Inatsisartullu ukuata aallartinneri tamaasa pilersinneqartarlutik.
- § 7-imi, imm. 1-imi Inatsiseqarnermut Ataatsimiititaliap ataatsimiititaliatut inatsisit naapertorlugit pilersinneqartussatut ilanngunneqarnera.
- Kalaallit Nunaata Folketingimut ilaasortaaitaasa Nunanut allanut Sillimaniarnermullu ataatsimiititaliap ataatsimiinnerimut taaseqataasinnaanatik peqataasarnerat pillugu § 9. imm. 2-mi aalajangersakkap allanngortinneqarnera, pinngitsooratik ataatsimeeqataasussaanerat pisussaaffiujunnaarsillugu.
- Immikkut isertuussisussaatitaanerup ataatsimiititaliam iilaasortanut allanullu ataatsimiititaliap ataatsimiinnerinut peqataasunut atuuttup malinneqarnissaata qularnaarneqarnissaanut Nunanut allanut Sillimaniarnermullu ataatsimiititaliap suleriaasiani aalajangersaasoqartarnissaanik aalajangersakkatut § 9, imm. 3-mik ilanngussineq.
- § 24-ip siunnersuisoqatigiiffinnut aalajangiisartutullu ataatsimiititalianut il.il. sinniisuitassanik qinersisarnermut tunngasup allanngortinneqarnera, taamaalilluni tamanna tamatigut inissititerfiusumik ataatsimiinnermi pisarunnaassalluni.
- Naalakkersuisunut allakkatigut apeqqutit oqaaseqarluni saqqummiunneqarsinnaanerata atorunnaarsinneqarnera, taamaalillunilu § 37 malillugu apeqqutit taakku taamaallaat allakkatigut apeqqutigineqarlutillu akineqartartussanngorlugit, Inatsisartullu oqaluuserisassaannut ilanngutissaarlugit.
- Oqaluuserisassatut siunnersuutinik ilusilerneqarnissamut saqqummiunneqarnissamullu piumasaqaatinik atuuttunik naammassinngitsunik, imaluunniit imarisartik naapertorlugu suliarineqarsinnaanngitsunik, itigartitsisinnaanerup Inatsisartunit Inatsisartut Siulittaasoqarfiannut nunnneqarnera. Tamanna pillugit aalajangersakkat § 39-mi takuneqarsinaapput.
- Pisuni immikkut illuinnartuni suleriaatsimi piffissaliussat sanioqqunneqartarsinnaaneranut akuersissuteqartarnerup Inatsisartunit Inatsisartut

Siulittaasoqarfiannut nuunneqarnera. Tamanna pillugu aalajangersakkat § 41-mi takuneqarsinnaapput.

- Siunnersuutit, apeqquteqaatit suliassalluunniit allat danskit naalakkersuisuinit Naalakkersuisunilluunniit tuaviortutut isigineqartut oqaluuserisassanut ilanngunneqartarnissaat pillugu § 44-p ilanngunneqarnera.
- Sinniisoqarfinnut, aalajangiisartunut (nævninut) il.il. sinniisussanik qinersisarnerit tamatigut matoqqasumik ingerlanneqartarnissaannik aalajangersakkamik § 53, imm. 2, oqaaseqatigiit aappaannik ilanngussineq. Aalajangersagaq maannamut suleriaasiusumut naapertuuppoq.
- Inatsisartut isumaqatigiinniarnerini oqaatsit atorneqartut pillugit § 54-ip allanngortinneqarnera aalajangersagaq Inatsisartut Naalakkersuisullu pillugit inatsisartut inatsisissaannut siunnersuummi § 9, imm. 2-mut naapertuunngortillugu.
- Peqqiillioneq allamilluunniit ilungersunartumik pissuteqartumik Naalakkersuisunut ilasortap sulinngiffeqarnissamik qinnuteqaataa pillugu aalajangiinissamut Naalakkersuisut Siulittasuata pisinnaatitaaffeqarnera pillugu § 57, imm. 2-p ilanngunneqarnera. Aalajangersagaq Inatsisartut Naalakkersuisullu pillugit inatsisartut inatsisissaannut siunnersuummi § 24, imm. 1-imut naapertuuppoq.
- Naalakkersuisut atuukkunnaarsinneqarnerannut atatillugu nutaamik inissitertoqarsinnaanerani aamma Inatsisartunut nutaamik qinersisoqanngikkaluartoq Naalakkersuisunik nutaanik qinersisoqarsinnaanera pillugit § 61-mik ilanngussineq.

Inatsisartut Naalakkersuisullu pillugit inatsisartut inatsisaanni nr. 11-mi, ulloq 20. oktober 1988-imeersumi aalajangersakkat ataasiakkaat suleriaatsimi nutaami aalajangersakkatut nutaatut ilanngunneqarput, aalajangersakkat pineqartut Inatsisartut Naalakkersuisullu pillugit Inatsisartut inatsisissaannut siunnersuummut ilanngunneqarsimangimmata, suleriaatsimulli ilanngunneqartariaqarlutik. Aalajangersakkat inatsisartut inatsisaannit ingerlateqqinnejqarput imarisamikkut allanngortinnagit. Tamatumani pineqarput:

- § 8, imm. 2 ilaasortap peqataasinnaannginnerani sinniisoqartarneq pillugu.
- § 12, imm. 3 ataatsimiititalianut ilaasortat akunnerminni suliassanik agguataarisarnerat pillugu.
- § 26, imm. 3 ataatsimiititalianut, siunnersuisoqatigiinnut, aalajangiisartunut il.il. ilaasortassanik marlunnik amerlanerusunilluunniit qinersinermi ilaasortaqassuseq tunngavigalugu qinersisarnerup atorneqartarnissaat pillugu.
- § 62 Inatsisartut allagaataasa toqqortarineqarnissaat pillugu.

3. Namminersornerullutik Oqartussanut aningaasatigut allaffissornikkullu kingunerisassai:

Siunnersuut toqqaannartumik aningaasatigut kinguneqassanngilaq. Taamaattorli naatsorsuutigineqarpoq siunnersuut inatsisartut ataatsimiinnerisa ingerlanneqartarnerannik pisariillisitsisinnaassasoq, taamatullu aamma tamatumunnga atatillugu allaffissornikkut sulinermik killilimmik oqilisaataasinnaasoq.

4. Inuussutissarsiornermut aningaasatigut allaffissornikkullu kingunerisassai:

Siunnersuut inuussutissarsiornermut kinguneqassanngilaq.

5. Avatangiisinut pinngortitamullu kingunerisassai:

Siunnersuut avatangiisinut pinngortitamullu kinguneqassanngilaq.

6. Innuttaasunut allaffissornikkut kingunerisassai:

Siunnersuut innuttaasunut kinguneqassanngilaq.

7. Kingunerisassai pingaarutililit allat:

Siunnersuut allanik pingaarutilinnik kingunerisassaqanngilaq.

8. Naalagaaffeqtigiinnermut Namminersorlutillu Oqartussanut pissutsit:

Siunnersuut Naalagaaffeqtigiinnermut Namminersorlutillu Oqartussanut kinguneqassanngilaq.

9. Oqartussanik suliniaqtigiffinnillu tusarniaaneq:

Siunnersuut ammasumik tusarniaatigineqanngilaq, innuttaasunut inuussutissarsiortunulluunniit kinguneqartussaanngimmat.

Siunnersummut missingiut nassuaatitalik partiinut Inatsisartuni ilaasortaatitaqartunut tusarniaatigineqarsimavoq. Tusarniaanermi akissutigineqartut allanngortitsinissamut tunngavissiinngillat.

## **Siunnersuummi aalajangersakkanut ataasiakkaanut nassuaatit**

### **§ 1-imut**

§ 1, imm. 1 aaqqissuinikkut allannguutitaqarluni suleriaatsimi § 1, imm. 1-imut aamma 2-mut naapertuuppoq. Aalajangersakkap Inatsisartut Naalakkersuisullu pillugit inatsisisattut siunnersuummi § 7 assigaa.

Aalajangersakkap assinga Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 1, imm. 1-imi 2-milu allassimavoq.

Suleriaatsimi atuuttumi sivisunerpaamik ilaasortaasimasoq "sivisoqatigiimmik ilaasortaasimasunit angajulleq"-tut taagorneqarpoq. Tamatumunnga taarsiullugu suleriaasisssamut nutaamat siunnersuummi taaguut "sivisunerpaamik ilaasortaasimasoq" atorneqarpoq, taamaalilluni tamatuma kingorna suleriaatsimi oqaatsit atorneqartut Inatsisartut Naalakkersuisullu pillugit Inatsisartut inatsisisattut siunnersummut naapertuutilersillugit.

§ 1, imm. 2 aaqqissuinikkut allannguutitaqarluni suleriaatsimi § 1, imm. 3-mut aammalu Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 1, imm. 3-mut naapertuuppoq. Aalajangersakkap assinga Inatsisartut Naalakkersuisullu pillugit Inatsisartut inatsisisattut siunnersuummi ingerlateqqinnejanngilaq.

Qinigaanerup misilinneqarnissaanut ataatsimiititaliaagallartoq Inatsisartunut ilaasortat qinigaarlaat Naalakkersuisunullu ilaasortat qinigaarlaat Inatsisartunut ilaasortaanngitsut qinigaasinnaassusiat pillugu inassuteqartassaq.

§ 1, imm. 3 naapertorlugu qinigaanerup misilinneqarnissaanut ataatsimiititaliaagallartoq Inatsisartunut inassuteqareerpat ataatsimiititaliaq atorunnaassaaq ataatsimiititaliallu oqartussaaffia § 7, imm. 1, nr. 2 malillugu qinigaanerup misilinneqarnissaanut ataatsimiititaliamut ataavartumut nuunneqassaaq.

§ 1, imm. 3 suleriaatsimi atuuttumi § 1, imm. 4-mut naapertuuppoq. Inatsisartunut sivisunerpaamik ilaasortaasimasoq ataatsimiititaliap inassuteqaataanik Inatsisartunut saqqummiussisussaasoq aalajangersakkami uniffit appaanni erseqqissaatigineqarpoq. Ammattaaq Inatsisartut Naalakkersuisullu pillugit Inatsisartut inatsisisattut siunnersuummi § 3, imm. 1-imut atatillugu aalajangersagaq isigineqassaaq. Ilaasortat qinigaanerisa atuuttuussusiat kiisalu ilaasortaq qanoq qinigaasinnaassusiagaasinnaanersoq pillugu apeqqut Inatsisartut nammineerlutik aalajangigassarigaat aalajangersakkami tassani aalajangersarneqarpoq.

§ 1, imm. 4 suleriaatsimi atuuttumi § 1, imm. 5-imut naapertuuppoq. Aalajangersagaq Inatsisartut Naalakkersuisullu pillugit Inatsisartut inatsisisattut siunnersuummi § 4, imm. 1-imut atasutut isigineqassaaq, tassani Inatsisartunut ilaasortaaneq inuiaqatigiinnit toqqagaanikkut suliassiissutitut pisussaaffiusoq aalajangersarneqarluni. Ataatsimiititaliani Inatsisartunit pilersinneqartuni ilaasortatut, Naalakkersuisunut ilaasortatut Inatsisartunullu

sinniisutut allatut atuuffeqarneq inuiaqatigiinnit toqqagaanikkut aamma suliassiissuteqarfiusoq suleriaatsimi aalajangersakkut erseqqissarneqarpoq.

## **§ 2-mut**

§ 2 aaqqissuinikkut allannguutitaqarluni suleriaatsimi atuuttumi § 2-mut aammalu Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 6-imut naapertuuppoq. Aalajangersagaq Inatsisartut Naalakkersuisullu pillugit Inatsisartut inatsisissaattut siunnersummi § 3, imm. 2-mut atasutut isigineqassaaq. § 7, imm. 1, nr. 2 naapertorlugu qinigaanerup misilinneqarnissaanut ataatsimiitaliaagallartoq piffissami qinigaaffiusumi qinigaasinnaassutsimik annaasaqarneq pillugu Inatsisartunut inassuteqartartuuvoq.

## **§ 3-mut**

§ 3, imm. 1 – 3 suleriaatsimi atuuttumi § 3, imm. 1 – 3-mut naapertuuppoq.

§ 3, imm. 1 – 3-mi aalajangersakkat allannguutitaqarlutik Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 2, imm. 1 aamma 2-mut naapertuupput.

Aamma § 3, imm. 1 Inatsisartut inatsisaannit ima allaanerussuteqarpoq Inatsisartut Inatsisartullu Siulittaasoqarfiata siulittaasussaannik qinersineq isumaqatigiinniutigineqanngitsumik pisassasoq suleriaatsimi aalajangersarneqarmat.

Inatsisartut Naalakkersuisullu pillugit Inatsisartut inatsisaanni § 2, imm. 1 aamma 2-mi aalajangersakkat Inatsisartut Naalakkersuisullu pillugit Inatsisartut inatsisissaattut siunnersummi ingerlateqqinnejnngillat, taamaattorli § 7, imm. 1, oqaaseqatigiit pingajuanni aamma Inatsisartut inatsisissaattut siunnersummi §§ 10 aamma 11-mi tunngavissaatinneqartuni allassimavoq Inatsisartunut siulittaasussaannik siulittaasullu tullissaanik qinersisoqassasoq.

Inatsisartut Siulittaasoqarfianni ilaasortat ataasiakkaat sinniisussaat pillugit § 3, imm. 4 suleriaatsimi § 3, imm. 4-mut naapertuuppoq.

§ 3, imm. 5 aamma 6 suleriaatsimi atuuttumi § 3, imm. 5-imut 6-imullu naapertuupput. Suleriaatsimi atuuttumi aalajangersakkat allaanerussuteqalaarlutik Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 2, imm. 3 aamma 4-mut naapertuupput. Aalajangersakkat taakku Inatsisartut Naalakkersuisullu pillugit Inatsisartut inatsisissaattut siunnersummi ingerlateqqinnejnngillat.

§ 3, imm. 7 suleriaatsimi atuuttumi § 3, imm. 7-mut naapertuuppoq.

## **§ 4-mut**

§ 4, imm. 1-imi oqaaseqatigiit siullit suleriaatsimi atuuttumi § 4, imm. 1-imik ingerlatitseqqiinerupput, tamatumani sivisunerpaamik ilaasortaasup taaguutaata

“sivisoqatigiimmik ilaasortaasimasunit angajulleq” peerneqarnera allannguutigalugu, tak. § 1, imm. 1-imut nassuaatit.

Suleriaatsimi atuuttumi § 4, imm. 1-imi oqaaseqatigiinni siullerni marlunni aalajangersakkat Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 14, imm. 1 aamma 2-mut naapertuupput. Aalajangersakkat taakku Inatsisartut Naalakkersuisullu pillugit Inatsisartut inatsissaattut siunnersuummi ingerlateqqinnejanngillat.

§ 4, imm. 1-imi oqaaseetigiit pingajuat sisamaallu nutajupput. Inatsisartuni ataatsimiinnissanut oqaluuserisassat aalajangersarneqartarnerannut oqartussaaffiup Oqaluuserisassanut Ataatsimiititaliamit Oqaluuserisassanut Ataatsimiititaliaagallartumut nuunneqarneranik aalajangersakkat taakku kinguneqarput. Oqaluuserisassanut atatillugu ataatsimiititaliap aalajangigai pillugit oqaluuserisassanut nassuaatitigut Inatsisartut ilisimatinneqartassapput.

Oqaluuserisassanut nassuaatit maannakkutut oqaluuserisassani immikkoortumi immikkut ittumi ataatsimiinnermit aqutsisumit saqqummiunneqartassapput, nassuaatilli isumaqatigiinniutigineqarnatillu taassisutigineqartassanngillat, soorluttaaq nassuaatit pillugit oqallitoqarsinnaanngitsoq. Taamaattumik oqaluuserisassat pillugit saaffiginnissut Inatsisartut Siulittaasoqarfiannut allakkatigut ingerlatinneqartassapput, tassani tamanna aalajangiivigneqartassalluni.

Inatsisartuni ataatsimiinnerit sunniuteqarluartumik ingerlanneqarnissaannut allannguutip peqataanissaa siunertarineqarpoq.

§ 4, imm. 2 suleriaatsimi atuuttumi § 4, imm. 2-mut naapertuuppoq.

§ 4, imm. 2, oqaaseqatigiit aappaat § 3, imm. 4-p kinguneraa. Partiimi kattusseqatigiinniluunniit ilaasortaq Inatsisartut Siulittaasoqarfianni ilaasortaanngitsoq kisimiilluni qinigassanngortilluni qinerneqarpat, taamaalillunilu sinniisussaqanngippat suleriaaseq pillugu ataatsimiititaliami ilaasortap taassuma sinniisussaanik Inatsisartut toqqaasinnaanngillat.

§ 4, imm. 3 suleriaatsimi atuuttumi § 4, imm. 3-mut naapertuuppoq.

§ 4, imm. 4 suleriaatsimi atuuttumi § 4, imm. 4-mut naapertuuppoq. Inatsisartut Siulittaasoqarfiata Inatsisartut aamma ataatsimiititaliat sulinerisa piareersaasiorneqarnerisa ingerlanneqarnerisalu pissusissaq eqqorlugu ingerlanneqartarnissaat isumagisassagaa aalajangersakkut piumasarineqarpoq.

§ 4, imm. 5 suleriaatsimi § 4, imm. 5-imut naapertuuppoq. Oqaluuserisassat Inatsisartut ataatsimiinneranni oqaluuserisassatut ilanngunneqaqqullugit qinnutigineqartut ilusiliivigneqarlutik saqqummiunneqarnissaannut maleruagassanik erseqqinnerusunik Inatsisartut Siulittaasoqarfiat aalajangersaasinnaanermik aalajangersakkut periarfissinneqarpoq. Inatsisartut inatsissaattut, Inatsisartut aalajangiiffigisassaattut

siunnersuutit taakkulu allannguutissaattut siunnersuutit pillugit kapitali 7, 8 aamma 9-mi ilusiliinissamut piumasaqaatit aalajangersakkamit tapertalerneqarput. Aammattaaq Naalakkersuisunit nassuaatit kapitali 10 malillugu ilusilerneqarnissaannut aamma apeqquteqaat aallaavigalugu oqallinnernut kiisalu kapitali 11 malillugu Naalakkersuisunut apeqqutit ilusilerneqarnissaannut piumasaqaatinik aalajangersaanissamut Siulittaasoqarfik aalajangersakkut immikkut tunngavissinneqarpoq.

Kapitalit 7-11 malillugit imarisanik ilusiliinissamut piumasaqaatinik nutaanik Siulittaasoqarfiup aalajangersaasinnaanissaa § 4, imm. 5-imi siunertaanngilaq.

§ 4, imm. 5 malillugu ilusiliinissamut piumasaqaatit tassaapput ilusiliinissamut piumasaqaatit imarisanut, assersuutigalugu siunnersuutip Inatsisartuni oqaluuserineqartussanngorlugu tunniunneqartussap qasseriarlugu nuutinneqarnissaanut, siunnersuutip inissiternissaanut imaluunniit naqinnerit qanoq ittut atorneqarnissaannut tunngassuteqarnerusut.

Aammattaaq immikkoortut Inatsisartut ataatsimiinneranni oqaluuserisassatut ilanngunneqaqqullugit qinnutigineqartut tamarmik elektroniskiusumik tunniunneqartarnissaannut aammalu fiilit eqqortumik saqqummiunneqartutut isigineqarnissaat pillugu iluserisassaannik erseqqinnerusumik aalajangersaanissamut Siulittaasoqarfik § 4, imm. 5-ikkut periarfissinneqarpoq.

§ 4, imm. 5 malillugu ilusiliinissamut piumasaqaatit aamma ilusiliinissamut piumasaqaatinut inatsisilerinermi ilusiliinermut tunngassutilinnut Naalakkersuisut ataanni Siulittaasup Naalakkersuisoqarfiata Naalakkersuisut ataanni immikkoortortanut ataasiakkaanut piumasaqaataanik Siulittaasoqarfiup akuersineranut takussutissaasinjaapput.

Immikkoortoq Inatsisartut ataatsimiinneranni oqaluuserisassatut ilanngunneqaqqullugu qinnutigineqartoq § 4, imm. 5 malillugu piumasaqaatinik Siulittaasoqarfimmit aalajangersarneqartunik eqquutsitsinngippat immikkoortup itigartinnissaanut § 39, imm. 2 Siulittaasoqarfimmut periarfissiivoq.

Inatsisartut inatsisaannik atuutsitsilernissamut, nalunaarutiginninnissamut, naqiterisitsinissamut tamanullu saqqummiussinissamut Naalakkersuisut akisussaammata maleruaqqusanik erseqqinnerusunik aalajangersaannginnermi ilusiliinissamut piumasaqaatit Siulittaasoqarfiup Naalakkersuisunut soorunami oqaloqatigiissutigissavai.

§ 4, imm. 6 suleriaatsimi atuuttumi § 4, imm. 6-imut naapertuuppoq. Aalajangersagaq piissusissatut maleruaqqusaavoq pisariaqartoq.

§ 4, imm. 7 suleriaatsimi atuuttumi § 4, imm. 7-imut naapertuuppoq. Suliat nukingiussassat eqqarsaatigalugit aalajangersagaq pisariaqartutut isigineqartariaqarpoq.

§ 4, imm. 8 suleriaatsimi atuuttumi § 4, imm. 8-mut naapertuuppoq.

## § 5-imut

§ 5, imm. 1 suleriaatsimi atuuttumi § 5, imm. 1-imut naapertuuppoq, taamaattorli oqaaseq "Namminersornerullutik Oqartussat" allanngortinneqarpoq "Namminersorlutik Oqartussat".

§ 5, imm. 2 suleriaatsimi atuuttumi § 5, imm. 2-mut naapertuuppoq.

§ 5, imm. 1 aamma 2 aaqqissuinikkut allannguutitaqarlutik Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 3, imm. 1 aamma 2-mut naapertuupput.

Inatsisartut inatsisaanni § 3, imm. 1 aamma 2-mi aalajangersakkat aaqqissuinikkut allannguutitaqarlutik Inatsisartut Naalakkersuisullu pillugit Inatsisartut inatsisissaattut siunnersuummi § 22, imm. 1 aamma 2-mi ingerlateqqinnejarpuit.

§ 5, imm. 3 Inatsisartut Naalakkersuisullu pillugit Inatsisartut inatsisissaattut siunnersuummi § 22, imm. 3-p assigaa.

Suleriaatsimi atuuttumi § 5, imm. 3 imarisamigut Inatsisartut Naalakkersuisullu pillugit Inatsisartut inatsisaanni nr. 11. 20. oktober 1998-imeersumi § 3, imm. 3 aamma 4-mut naapertuuppoq.

Inatsisartut inatsisaanni nr. 11, 20. oktober 1988-imeersumi § 3, imm. 3-mi kukkanumik allassimasoqarnera pissutigalugu naalakkersuisunut ilaasortat amerlassusiat pillugu inatsisitigut inissisimaneq Inatsisartut Naalakkersuisullu pillugit Inatsisartut inatsisissaattut siunnersuummi § 22, imm. 3-mi nassuaatini nassuaatigineqartutut 2003-mili allaaneruvoq. Taamaallilluni naalakkersuisunut ilaasortat amerlassusiat pillugu inatsisitigut inissisimaneq maanna suleriaatsimi § 5, imm. 3-mi oqaasertanit aamma allaanerusimalluni.

Suleriaatsimut nutaamut siunnersuummi § 5, imm. 3, 2003-mi inatsisip allanngorneranili inatsisitigut inissisimanermut naapertuuppoq aammalu oqaatigineqareersutut Inatsisartut Naalakkersuisullu pillugit Inatsisartut inatsisissaattut siunnersuummi § 22, imm. 3 assigalugu.

Naalakkersuisut suliassaqarfiiisa amerlassusiisa annertussusiisalu Naalakkersuisut siulittaasuata inassuteqarnissaanut aalajangiisuuussussatut suleriaatsimi atuuttumi § 5, imm. 3-mi oqaaseqatigiinni siullerni taaneqartoq § 5, imm. 3-mi aalajangersakkami taaneqanngilaq. Tassuunakkulli Naalakkersuisut siulittaasuata inassuteqaataanik Inatsisartut suliariinninneranni Naalakkersuisut suliassaqarfiiisa amerlassusiinik annertussusiinillu pissutsillu allat ilangunneqarsinnaanerat mattunneqanngilaq.

## § 6-imut

§ 6, imm. 1 suleriaatsimi atuuttumi § 6, imm. 1-imut naapertuuppoq. Aammattaaq aalajangersagaq Inatsisartut Naalakkersuisullu pillugit Inatsisartut inatsisaanni § 7, imm. 1-imi oqaaseqatigiinnut siullernut aammalu Inatsisartut Naalakkersuisullu pillugit Inatsisartut inatsisissaattut siunnersuummi § 22, imm. 4-mut naapertuuppoq.

§ 6, imm. 2 suleriaatsimi atuuttumi § 6, imm. 2-mut naapertuuppoq.

Inatsisartunut nutaamik qinersinerup kingorna inissitsitsernermi qinigaasinnaassuseq pillugu suleriaatsimi § 1, imm. 2 aamma 3 naapertorlugit qinigaanerup misilinnejarnissaanut ataatsimiitaliaagallartoq inassuteqassaaq. Piffissami qinigaaffiusumi qinigaasinnaanerup annaaneqarnera pillugu inassuteqaatit suleriaatsimi § 7, imm. 1, nr. 2 naapertorlugu qinigaanerup misilinnejarnissaanut ataatsimiitaliamut tunniunneqassapput.

### **§ 7-mut**

§ 7. imm. 1-imi suleriaatsimi atuuttumi § 7, imm. 1 nr. 3 aamma § 7, imm. 2 ingerlateqqinneqarput Inatsiseqarnermut Ataatsimiitaliaq nr. 3-tutilangunneqarluni.

§ 7, imm. 1, nr. 1-imi Nunanut Allanut Sillimaniarnermullu Ataatsimiitaliap pilersinneqarnissaa pineqarpoq, Inatsisartut Naalakkersuisullu pillugit Inatsisartut inatsisissaattut siunnersuummi § 21-mi pilersinneqartussatut naatsorsuutigineqartutut. Suleriaatsimut nutaamut siunnersuummi § 9, imm. 2 aamma 3-mi ataatsimiitaliaq pillugu aalajangersakkanik allanik aalajangersaasoqarpoq.

§ 7, imm. 1, nr. 2-mi aalajangersakkap kingunerisaanik qinigaanerup misilinnejarnissaanut ataatsimiitaliamik ataavartumik pilersitsisoqassaaq. Qinigaanerup misilinnejarnissaanut ataatsimiitaliaq pilersinneqassaaq § 1, imm. 2 naapertorlugu qinigaanerup misilinnejarnissaanut ataatsimiitaliaagallartoq inissitsiterluni ataatsimiinnermi suliaminik unitsitsinerata kingorna atuutilissalluni.

Piffissami Inatsisartunut qinigaanermi Inatsisartunut ilaasortat immaqalu Naalakkersuisunut ilaasortat Inatsisartunut ilaasortaangitsut qinigaasinnaanerminnik annaaneqarnissaat pillugu ataatsimiitaliaq Inatsisartunut inassuteqartassaaq.

Aammattaaq § 58, imm. 2-mi oqaaseqatigiit aappaat naapertorlugit sinniisut qinigaasinnaassusiat pillugu ataatsimiitaliaq Inatsisartunut inassuteqartassaaq.

§ 7, imm. 1, nr. 3-mi aalajangersakkut Inatsiseqarnermut Ataatsimiitaliaq ataatsimiitaliatut inatsisit naapertorlugit pilersinneqartussatut isigineqalerpoq. Tamatumunnga pissutaavoq Inatsiseqarnermut Ataatsimiitaliaq Inatsisartut Naalakkersuisullu pillugit Inatsisartut inatsisissaattut siunnersuummi § 20, imm. 3, oqaaseqatigiit siullit naapertorlugit Inatsisartut Ombudsmandiata sulineranik ingerlaavartumik malinnaasussaamat. Taamaalilluni Inatsiseqarnermut Ataatsimiitaliaq ataatsimiitaliatut inatsisit naapertorlugit pilersinneqartussatut isigineqartariaqarpoq. Taamaattumik suleriaasisssamut siunnersuummi ataatsimiitalianut § 7. imm. 1-imi taaneqartunut ilaavoq.

Suleriaatsimi atuuttumi § 7, imm. 1, nr. 1 aamma 2 annikitsunnguamik allannguutitalerlugu § 7, imm. 2-kkut ingerlateqqinneqarpoq.

Suleriaaseq atuuttoq malillugu inissitsiterluni ataatsimiinnermi Inatsisartullu ukiuata aallartinnerani Aningaasaqarnermut Ataatsimiititaliaq aammalu Kukkunersiuinermut Ataatsimiititaliaq pilersinneqartassapput. Suleriaatsimut nutaamik siunnersuutip kingunerisaanik ima allannguisoqarpoq ataatsimiititaliat pineqartut inissitsiterluni ataatsimiinnermi Inatsisartullu ukiuata aallartinnerani pilersinneqarnatik siunissami inissitsiterluni ataatsimiinnerni upernaakkullu ataatsimiinnerni tamani pilersinneqartalissallutik.

Aningaasaqarnermut Ataatsimiititaliaq aammalu Kukkunersiuinermut Ataatsimiititaliaq suleriaaseq nutaaq atuutilerpat pilersinneqareersut upernaakkut ataatsimiinnermi tullermi ataatsimiititalianik pilersitsisoqarnissaata tungaanut taamaalillutik ingerlaannassapput.

Aammattaaq suleriaatsimut nutaamut siunnersuummi ima allannguisoqarpoq oqaaseq “inatsisitigut pilersinneqartussat” atorunnaarluni, soorluttaaq ataatsimiititaliat taaguutaat aaqqissuunikku allanngortinneqartut.

Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi, Inatsisartut Naalakkersuisullu pillugit Inatsisartut inatsisaatigut nr. 18, 11. december 2003-mi allanngortinneqartumi § 15, imm. 1-imi oqaaseqatigiit siulliit malillugit ataatsimiititaliat inatsisitigut pilersinneqartussat pingasut ukuupput:

- 1) Inatsisartut Aningaasaqarnermut Ataatsimiititaliaat.
- 2) Nunatta Karsiata Naatsorsuutaasa Kukkunersiorneqartarnerannut Ataatsimiititaliaq (Kukkunersiuinermut Ataatsimiititaliaq).
- 3) Inatsisartut Nunanut Allanut Sillimaniarnermullu Ataatsimiititaliaat.

Suleriaatsimi atuuttumi § 7, imm. 1, nr. 1 – 3-mi aalajangersakkat Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 15, imm. 1, nr. 1 – 3-mut naapertuupput. Taamaattorli Kalaallit Nunaata folketingimi ilaasortai marluk Nunanut Allanut Sillimaniarnermullu Ataatsimiititaliap ataatsimiinnerini ataatsimiititaliami taaseqataasinnaanatik peqataasarnerat pillugu Inatsisartut inatsisaanni § 15, imm. 1, nr. 3-mi oqaaseqatigiit aappaat suleriaatsimi § 7-imi ilaatinneqanngillat, tamatumunnga taarsiullugu suleriaatsimi § 9, imm. 2-mi maleruagassiunneqarlutik.

Inatsisartut Naalakkersuisullu pillugit Inatsisartut inatsisaanni nr. 15, imm. 1, nr. 1 – 3-mi aalajangersagaq Inatsisartut Naalakkersuisullu pillugit Inatsisartut inatsisissaattut siunnersuummi ingerlateqqinnejqanngillat. Ataatsimiititaliali Inatsisartut Naalakkersuisullu pillugit Inatsisartut inatsisaanni § 15, imm. 1, nr. 1-3-mi oqaatigineqartut pilersinneqarnissaat Inatsisartut inatsisissaattut siunnersuummi §§ 16 – 19-imi aammalu § 21-mi tunngavissaatinneqarpoq, inatsisissatut siunnersuummi aalajangersakkat taaneqartut ataatsimiititaliat pingasuuusut taakku pingarnertut suliassaat maleruagassiformatigit.

Taamaalilluni suleriaatsimut siunnersuummi oqaasertat allanngormata ataatsimiititaliat pineqartut inatsisitigut pilersinneqartussatut inissisimanerat allanngunngilaq.

Aamma § 7-ip kingunerisaanik Inatsisartunut qinersinerup kingorna ataatsimiititaliat pineqartut ilaasortassaannik Inatsisartut toqqaasassapput.

### **§ 8-mut**

§ 8 imm. 1-ikkut suleriaatsimi atuuttumi § 8 ingerlateqqinnejarpooq.

Suleriaatsimi atuuttumi § 8 Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 19, imm. 1-im i oqaaseqatigiit siuliannut naapertuuppoq. Inatsisartut inatsisaanni aalajangersakkami tassani pineqartut ataatsimiititaliat ataavartut ataatsimiititaliaagallartullu. Suleriaatsimi § 8-mi pineqartut ataatsimiititaliat ataavartut aammalu suleriaatsimi § 23-mi pineqarlutik ataatsimiititaliaagallartut. Inatsisartut inatsisaanni aalajangersagaq Inatsisartut Naalakkersuisullu pillugit Inatsisartut inatsissaattut siunnersummi ingerlateqqinnejanngilaq.

§ 8, imm. 1-kkut ataatsimiititaliat inatsisitigut pilersinneqartussasut saniatigut ataatsimiititalianik ataavartunik allanik pilersitsinissamut Inatsisartut periarfissinneqarput. Inatsisartut ataatsimiititalianik qassiniq pilersitsissanersut Inatsisartut namminneq aalajangertarpaat. Ataatsimiititalianik ataavartunik pilersitsinissaq imaluunniit ataatsimiititalianik ataavartunik atorunnaarsitsinissaq kiisalu ataatsimiititaliat ataavartut akornanni suliassaqfiit agguataarneqarnerat pillugit Inatsisartut Siulittaasoqarfiat § 4, imm. 4 naapertorlugu Inatsisartunut inassuteqartarpoq.

Aamma aalajangersakkap kingunerisaanik Inatsisartunut qinersinerup kingorna inatsisartullu ukiuata aallartinnerani ataatsimiititalianut ataavartunut allanut ilaasortassanik Inatsisartut toqqaasassapput, soorlu ataatsimiititalianut § 7, imm. 2, nr. 1-3 naapertorlugit pilersinneqartunut tamanna atuuttoq.

§ 8, imm. 2 nutaajuvoq, taamaattorli Inatsisartut Naalakkersuisullu pillugit Inatsisartut inatsisaanni § 19, imm. 4-mut naapertuulluni. Inatsisartut inatsisaanni aalajangersagaq Inatsisartut Naalakkersuisullu pillugit Inatsisartut inatsissaattut siunnersummi ingerlateqqinnejanngilaq.

### **§ 9-mut**

§ 9, imm. 1 suleriaatsimi atuuttumi § 9, imm. 1-imut naapertuuppoq.

Ataatsimiititaliani ilaasortat amerlassusissaat eqqarsaatigalugu ataatsimiititaliani inatsisitigut pilersinneqartussani ilaasortat tallimanut Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 15, imm. 1-im aalajangersarneqarput.

Ataatsimiititaliani ilaasortat amerlassusissaat Inatsisartut Naalakkersuisullu pillugit Inatsisartut inatsissaattut siunnersummi maleruagassiuunneqanngilaq. Taamaalilluni tamatuma kingorna ataatsimiititaliani ilaasortat amerlassusissaasa ataatsimiititaliallu tamarmik maleruagassiuunnerat taamaallaat suleriaatsimi pisinnaavoq.

Suleriaatsimi atuuttumi § 9, imm. 2-mut aammalu Inatsisartut inatsisaannut nr. 11, 22. oktober 1988-imeersumi § 15, imm. 1, nr. 3-mut Inatsisartut Naalakkersuisullu pillugit Inatsisartut inatsisaata allanngortinneqarnera pillugu Inatsisartut inatsisaanni nr. 18, 11. december 2003-meersumi oqaasertalerneqartumut sanilliullugu § 9, imm. 2 allannguutitaqarpoq.

Inatsisartut Naalakkersuisullu pillugit Inatsisartut inatsissaattut siunnersuummi § 21, imm. 1-imi Nunanut Allanut Sillimaniarnermullu Ataatsimiititaliaq pillugu suliassat pissutsillu allat allaaserineqarput. Aalajangersakkamut tassunga nassuaatini allassimavoj Folketingimi ilaasortat Inatsisartut ataatsimiititaliaanni taaseqataasinnaanatik peqataanissamut Inatsisartut inatsisaatigut pisussaaffilerneqarsinnaanersut inatsisitigut nalornissuteqartoqartoq.

Tamanna tunngavigalugu suleriaatsimi § 9, imm. 2-mi aalajangersakkap oqaasertassaattut siunnersuutigineqartumi Kalaallit Nunaata Folketingimut ilaasortaatitai ataatsimiititaliap ataatsimiinnerini taaseqataasinnaanatik peqataaqqullugit ataatsimiititaliap qinnuiginissinnaanissaanut periarfissiisoqarpoq. Taamaalilluni Kalaallit Nunaata Folketingimut ilaasortaatitai ataatsimiititaliap ataatsimiinnerni peqataaqqusilluni qinnuteqaatai akueriumanerlugit namminneq aalajangertassavaat.

Taamaaqataanik ataatsimiititaliaq peqataarusuttoqannginnaakueraassanngikkaluarpagu kalaallit Folketingimi ilaasortat ataatsimiinnerni peqataanissamut aalajangersakkakut inatsisitigut pisussaaffilerneqanngillat.

§ 9, imm. 3 nutaaajuvoq. Nunanut Allanut Sillimaniarnermullu Ataatsimiititaliap immikkut isertuussisussaatitaanermut pisussaaffik Inatsisartut Naalakkersuisullu pillugit Inatsisartut inatsissaattut siunnersuummi § 21, imm. 2-mi allassimasoq pillugu erseqqinnerusumik aalajangersagaliornissamut aalajangersakkakut peqquneqarpoq. Assersuutigalugu ataatsimiititaliami ilaasortatut toqcarneqartut saniatigut ataatsimiinnerni peqataasut allat isertuussisussaanermut uppermarsaammik ataatsimiititaliami ilaasortanut atuuttumik atsiortassanersut pillugu ataatsimiititaliaq suleriaatsimini aalajangersakkakut aalajangersaasinnaavoq.

Aamma Inatsisartut Naalakkersuisullu pillugit Inatsisartut inatsissaattut siunnersuummi § 21, imm. 2 tassungalu nassuaatit innersuussutigineqarput, tassani oqaatigineqarluni ataatsimiititaliami isertuussisussaatitaanermik aalajangersakkakut ataqqineqarnissaat ataatsimiititaliamit qulakkeerneqassasoq, soorluttaaq ataatsimiititaliap ataatsimiinnerini illuatungerit avataaneersut peqataatinneqarsinnaanerat pillugu ataatsimiititaliap suleriaasiani maleruaqqusanik aalajangersaasoqarnissaa tunngavissaatinneqartoq.

## **§ 10-mut**

§ 10-p suleriaatsimi atuuttumi § 10-mut naapertuuppoq.

## **§ 11-mut**

§ 11, imm. 1-ip suleriaatsimi atuuttumi § 11, imm. 1 assigaa.

Aalajangersakkap Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 19, imm. 1-imi oqaaseqatigiit aappaat assigaa, taamaattorli siulittaasup tullianik qinersinerup suleriaatsimi ilaanera siulittaasumillu qinersinerup kisimi Inatsisartut inatsisaanni ilaanera ilanngullugu oqaatigineqarluni. Inatsisartut inatsisaanni aalajangersagaq Inatsisartut Naalakkersuisullu pillugit Inatsisartut inatsisaanni ingerlateqqinnejanngilaq.

§ 11, imm. 2-p suleriaatsimi atuuttumi § 11, imm. 2 assigaa. Ataatsimiitaliami sulinerup sapinngisamik annertunerpaamik pingartinneqarnissaa ataatsimiitaliap siulittaasuata isumagissagaa aalajangersakkut piumasaqaatigineqarpoq. Aammattaaq aalajangersagaq malillugu Inatsisartut Siulittaasuat ataatsimiitaliamut siulittaasumut peqqusisinnaavoq ataatsimiitaliami sulinerup ingerlanera pillugu oqaasiinnarmik allagaqarluniluunniit nalunaaruteqaqqullugu. § 11, imm. 2-mi aalajangersagaq § 4, imm. 4-mut atasutut isigineqassaaq.

### **§ 12-imut**

§ 12, imm. 1 suleriaatsimi § 12, imm. 1-imut naapertuuppoq.

Aalajangersagaq § 12, imm. 1 aamma 3-mut naapertuuttoq Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 15, imm. 2-mi takuneqarsinnaavoq. Inatsisartut inatsisaanni aalajangersagaq Inatsisartut Naalakkersuisullu pillugit Inatsisartut inatsisissaattut siunnersuummi ingerlateqqinnejanngilaq.

§ 12, imm. 1-imi aalajangersarneqarpoq ataatsimiitaliap suleriaasissani nammineerluni akuersissutigissagaa, tamatumalu kingorna taannalu Inatsisartut Siulittaasoqarfiannut akuersissutigisassangorlugu inassutigalugu. Aammattaaq ataatsimiitaliap suleriaasia allanngorneqassappat Siulittaasoqarfiup akuersinissa tunngavissaatinneqarpoq.

§ 12, imm. 2 suleriaatsimi atuuttumi § 12, imm. 2-mut naapertuuppoq, aaqqissuinikkut allannguuutigalugu ilaasortat ikinnerpaamik affaat najuunnissaat piumasaqaataasoq suleriaatsimi atuuttumi ilaasortat affaannit amerlanerit najuunnissaat piumasaqaataasoq. Tamanna Inatsisartut Naalakkersuisullu pillugit Inatsisartut inatsisissaattut siunnersuummi § 8-mi oqaaseqatigiinnut siullernut naapertuuppoq.

Avinneqarsinnaanngitsumik amerlassusilinnik, tassalu § 9 naapertorlugu tallimanik toqqaasoqartarmat tamanna suleriaatsip atuuttut siunnersuutillu nutaap akornanni allaanerussuteqartoqanngilaq. Ataatsimiitaliami ilaasortat tallimaammata ataatsimiitaliaq aalajangiisinjaassuseqarnissaanut ikinnerpaamik ilaasortat pingasut najuutissapput.

§ 12, imm. 3 nutaajuvoq, taamaattorli § 12, imm. 1 peqatigalugu Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 15, imm. 2-mut naapertuulluni.

## **§ 13-imut**

§ 13 imm. 1-ip suleriaatsimi atuuttumi § 13, imm. 1 assigaa.

Ataatsimiititaliami ilaasortaq - § 12, imm. 1-imu aalajangersagaq apeqqutaatinnagu – ilaasortap pineqartup ataatsimiititaliap ataatsimiinnerani nammineq isummani annitani tusarliutigiaannarsinnaavai, taamaattorli ataatsimiititaliami ilaasortat allat ataatsimiinnermi oqaasiit tusarliutiginagit. Taamaalilluni ataatsimiititaliami ilaasortap ataatsimiititaliap ataatsimiinnerani oqaaseqaatini ataatsimiititaliami ilaasortanit allanit taperserneqarsimanersut isumaqatigineqarsimanningersulluunniit pillugu ataatsimiititaliami ilaasortaq pineqartoq oqaaseqaqqusaanngilaq.

Ataatsimiititaliami ilaasortap isumaqatigiinniarnerni isummani qanoq sunniuteqarsimanersut pillugu tamanut saqqummiukkusukkuniuk ataatsimiititaliat ataasiakkaat suleriaasiini aalajangersakkat naapertorlugu ilaasortap isummani sammisaq ataatsimiititaliap oqaluuserisaa pillugu ataatsimiititaliap isumaliutissiissutaani amerlanerussuteqartutut ikinnerussuteqartutulluunniit oqaaseqaatitut saqqummiussinnaavai.

§ 13, imm. 2 suleriaatsimi atuuttumi § 13, imm. 2 assigaa.

Suliat ataatsimiititaliap ingerlatai pillugit ataatsimiititaliat tamanut nalunaaruteqarsinnaanerat aalajangersakkut qulakteerneqarpoq. Tamanut nalunaaruteqarnissaq isumaqatigiinngissutigineqarpat tamanna pillugu taasinikkut aalajangiisoqassaaq.

## **§ 14-imut**

§ 14, imm. 1 suleriaatsimi atuuttumi § 14, imm. 1-imut naapertuuppoq. Ataatsimiititaliap pingarnertut suliassat aalajangersakkami allaaserineqarput.

Aamma ataatsimiititaliat inatsisitigut pilersinneqartussaasut eqqarsaatigalugit ataatsimiititaliat taakku suliassat pillugit Inatsisartut Naalakkersuisullu pillugit Inatsisartut inatsisissaattut siunnersummi §§ 16, 17, 18, 19 aamma 21-mi aalajangersakkat aalajangersimasut aalajangersarneqarput.

§ 14, imm. 2 suleriaatsimi § 14, imm. 2-mut naapertuuppoq. Naalakkersuisut inatsisitigut killissarititat iluanniinnaanngitsoq aammalu ingerlatsinikkut ileqqorissaarnermut tunngatillugu killigititat iluanni ingerlatsinissaat nakkutigissallugu ataatsimiititaliap aamma pisussaaffigigaa aalajangersakkami erseqqissaatigineqarpoq.

Suliani pisortat oqartussaasuat ingerlatsinikkut aalajangiisussaatillugu imaluunniit suliani pisortat oqartussasuata aalajangigaa allaffissornikkut naammagittaalliuutigineqarsinnaatillugu imaluunniit Inatsisartut Ombudsmandiannut eqpartuussivinnulluunniit suliassanngortinneqarsinnaatillugu innuttaasunit suliffeqarfinniilluunniit suliakkiissutit aalajangersimasut ataatsimiititaliamit suliarineqartarnissaat aalajangersakkut siunertarineqanngilaq.

Akerlianik assersuutigalugu nunaqarfimmi illumik sulliviliornermut  
mittarfiliornermulluunniit aalajangersimasup Namminersorlutik Oqartussat sanaartornermut  
aninaasaliinissaat kissaatigineqarluni suliat aalajangersimasut ataatsimiitaliap  
suliarisinnaammagit pissusissamisoorpoq. Suliassaq annertunerusoq, assersuutigalugu  
aluminiulorfiliorneq ataatsimiitaliami pissusissamisoortumik aamma suliarineqarsinnaavoq,  
soorluttaaq aningaasaliinerit ingerlatalluunniit allat aktiaateqarluni ingerlatseqatigiiffinnit  
suliffeqarfinnilluunniit namminersortitanit Namminersorlutik Oqartussanit pigineqartunit  
isumagineqartut pillugit suliat ataatsimiitaliamit suliarineqarsinnaasut.

Taamaattorli sulianik aalajangersimasunik ingerlatsinermik isumaginninnissaq  
ataatsimiitaliap suliassarinngilaa, suliamili naalakkersuinermut tunnganerusortai  
suliassaralugit. Taamaallilluni sulianik aalajangersimasunik allaffissornikkut ingerlatsineq  
Naalakkersuisunit isumagineqartussatut innersuussutigineqartariaqarput.

### **§ 15-imut**

§ 15, imm. 1 aamma 2 suleriaatsimi atuuttumi § 15, imm. 1 aamma 2-mut aammalu  
Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-  
imeersumi § 19, imm. 2-mut naapertuupput. Inatsisartut inatsisaanni § 19, imm. 2-mi  
aalajangersagaq Inatsisartut Naalakkersuisullu pillugit Inatsisartut inatsissaattut  
siunnersummi ingerlateqqinnejnngilaq.

Naak siunnersuut pillugu ataatsimiitaliaq siusinnerusukkut  
isumaliutissiissusiorsimagaluarpaulluunniit siunnersuut ataatsimiitaliamut  
innersuunneqarsinnaasoq § 15, imm. 1-imi aalajangersakkami erseqqissaatigineqarpoq.

### **§ 16-imut**

§ 16 suleriaatsimi atuuttumi § 16-imut naapertuuppoq.

§ 16-imi pineqartut pisut siunnersuut inatsimmi suliassaqarfimmuit attuumassuteqarluni  
ataatsimiitaliat assigiinngitsut marluk suliassaqarfiinut tunngassuteqartut. Pisuni taamaattuni  
ataatsimiitaliaq Inatsisartunit siunnersummik innersuussiffigineqartoq Siulittaasoqarfiup  
akuersineratigut ataatsimiitaliamut allamut qinnuiginmissinnaavoq aamma siunnersummik  
suliarinneqqullugu. Ataatsimiitaliap siunnersummik innersuussiffigineqartup nalilissavaa  
siunnersuut ataatsimiitaliap allap suliassaqarfianut attuumassuteqarnersoq. Taamaattorli  
ataatsimiitaliaq siunnersummik innersuussiffigineqaqqaartoq siunnersuut suliareqqullugu  
ataatsimiitaliamut allamut qinnuiginnittoq § 17, imm. 1 naapertorlugu siunnersuut pillugu  
inaarutaasumik isumaliutissiissusornissaminut pisussaatitaavoq.

§ 16, imm. 2 malillugu ataatsimiitaliaq siunnersummik innersuussiffigineqaqqaartoq  
pinnagu ataatsimiitaliap allap akuerinissaanut taarsiullugu innersuussinissamik  
aalajangiunneqaqqaartup Inatsisartunit allanngortinneqarnissaa siunertaralugu  
innersuussuttaaqqaartoq Inatsisartunut saqqummiuteqqinnejnqassasoq Siulittaasoqarfiup

aalajangersinnaavaa. Innersuussutaaqqaartoq Inatsisartunit allanngortinneqarpat ataatsimiititaliaq § 17 malillugu maanna Inatsisartunit innersuussiffigineqartoq siunnersuut pillugu inaarutaasumik isumaliutissiissusiornissaminut pisussaatitaavoq.

### **§ 17-imut**

§ 17, imm. 1-imi oqaaseqatigiit siulliit suleriaatsimi atuuttumi § 17, imm. 1-imi oqaaseqatigiinnut siullernut aamma Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeersumi § 19, imm. 3-mut naapertuupput. Inatsisartut inatsisaanni aalajangersagaq Inatsisartut Naalakkersuisullu pillugit Inatsisartut inatsisissaattut siunnersuummi ingerlateqqinnejnangilaq.

§ 17, imm. 1-imi oqaaseqatigiit aappaat suleriaatsimi atuuttumi § 17, imm. 1-imi oqaaseqatigiit aappaannut naapertuupput. Siunnersuutit ataatsimiititalianut suliassanngorlugit innersuunneqartut pillugit isumaliutissiissusiornissamut Inatsisartuni ataatsimiititaliat aalajangersakkut toqqaannartumik pisussaaffilerneqarput.

§ 17, imm. 2 aamma 3-p suleriaatsimi atuuttumi § 17, imm. 2 aamma 3 assigaat.

§ 17, imm. 4-p suleriaatsimi atuuttumi § 17, imm. 4 assigaa.

Ataatsimiititaliat isumaliutissiissutaat, tassunga ilanngullugit ilassutitut isumaliutissiissutaat aallaavittut isigalugu allaganngorlugit tunniunneqartassasut aammalu oqaasiinnarmik taamaallaat Siulittaasoqarfimmut akuerisassanngorlugit saqqummiunneqarsinnaasut aalajangersakkami aalajangersarneqarpoq.

§ 17, imm. 5 suleriaatsimi atuuttumi § 17, imm. 5-imut naapertuuppoq. Isumaliutissiissutit ilassutitullu isumaliutissiissutit Inatsisartuni oqaluuserineqarnissaannut ullunik unnuanillu pingasunik pifissaliineq aalajangersakkut ingerlateqqinnejnangilaq.

### **§ 18-imut**

§ 18 imm. 1 suleriaatsimi atuuttumi § 18, imm. 1 assigaa.

§ 18, imm. 1-imi siunnersuutit allat, nassuaatit imaluunniit suliassat allat ataatsimiititaliap suliai pillugit nalunaarummik ataatsimiititaliaq tunniussaqarsinmaasoq aalajangersarneqarpoq. Taamaattorli § 17 malillugu isumaliutissiissummik ataatsimiititaliaq tunniussisussaatillugu nalunaarummik tunniussisinnaanngisaannassaaq.

§ 18, imm. 2 suleriaatsimi atuuttumi § 18, imm. 2 assigaa.

§ 18, imm. 2-mi ataatsimiititaliap suliani pillugu nalunaarummik tunniussinissamut ataatsimiititaliaq aammattaaq periarfissinneqarpoq. Aalajangersagarli taanna aatsaat immikkut pisoqartillugu aamma Inatsisartut sinnerlugit Siulittaasoqarfip akuersereerneratigut aatsaat atorneqarsinnaavoq.

§ 18, imm. 3 suleriaatsimi atuuttumi § 18, imm. 3-mut naapertuuppoq.

§ 18, imm. 3-mi ataatsimiititaliap nalunaarutai Inatsisartut ataatsimittarfianni oqaluuserineqannginnissaat aalajangersarneqarpoq. Aammattaaq § 18, imm. 1 aamma 2 malillugit nalunaarutit allaganngorlugit tunniunneqartussaapput.

### **§ 19-imut**

§ 19 suleriaatsimi atuuttumi § 19-imut naapertuuppoq.

Naalakkersuisunut ilaasortaq atorfilitamik ataasiinnaanngitsumik ingallorteqarsinnaasoq aalajangersakkami periarfissiissutigineqarpoq. Taamaattorli Naalakkersuisunut ilaasortaq atorfilitanik arlalinnik ingallorteqarsinnaasoq ataatsimiititaliap akuersissutigisinnaavaa, soorluttaaq isumasioqatigiinneq atorfilittamit ataatsimit arlalinnilluunniit peqataaffigitinniarneqassappat tamanna ataatsimiititaliap akuersissutigisussaagaa.

§ 19, imm. 4-mi isumasioqatigiinnerup matoqqasuunngitsumik (aamma “isumasioqatigiinneq tamanut ammasutut taaneqartartoq) ingerlanneqassasoq periarfissiissutigineqarpoq, imaappoq isumasioqatigiinneq kikkunnilluunniit najuuffigineqarsinnaasoq.

Paasissutissat isertuussat ammasumik isumasioqatigiinnermi ataatsimiititaliamut nalunaarutigineqarsinnaanngillat. Apeqputip eqqortumik tamakkiisumillu akineqartariaqarnera tunngavigalugu paasissutissat isertuussat ingerlateqqinnissaat pisariaqarsimappat apeqput isumasioqatigiinnermi ammasumi akineqarsinnaanngitsoq Naalakkersuisunut ilaasortap ataatsimiititaliaq nalunaarfigisariaqarpaa.

Isumasioqatigiinnermi ammasumi peqataasut tusarnaartullu piumagunik isumasioqatigiinnermi oqaatigineqartunik innersuussaqarsinnaapput. Taamaalilluni isumasioqatigiinnermi peqataasoq kukkusumik issuaratarneqarsinnaavoq. Kukkusumik issuaanerit peqataasunit akerlerineqarsinnaanerat eqqarsaatigalugu ammasumik ataatsimiinnerit immiussissutinut assigisaannulluunniit immiunneqartassasut aalajangersarneqarpoq.

Ammasumik isumasioqatigiinnerit ingerlanneqartussat ininit Inatsisartut atugassarititaannit amerlanerusunit najorneqarsinnaasunut nuunneqarnissaat pisariaqalersinnaavoq.

### **§ 20-mut**

§ 20 suleriaasissami atuuttumi § 20-mut naapertuuppoq.

Inatsisartunut ilaasortaq siunnersuuteqarpat Inatsisartunut ilaasortap siunnersuuteqartup ilaasortaaffigingisaanut ataatsimiititaliamut Inatsisartut suliassanngortitaanik, siunnersuutip pineqartup ataatsimiititaliap oqaluuserinninneranut taamaallaat siunnersuuteqartoq najuussinnaatitaavoq ataatsimiititaliallu ataatsimiinnerata sinnerani najuussinnaatitaannani. Aammattaaq Inatsisartunut ilaasortaq pineqartoq taamaallaat oqaaseqarsinnaatitaavoq taaseqataasinnaatitaananili imaluunniit oqaaseqaammi ataatsimiititaliap isumaliutissiissutaani ilanngunneqarnissaa piumasarisinnaanagu.

## **§ 21-imut**

§ 21 suleriaasissami atuuttumi § 21-mut naapertuuppoq.

Tusarniaanerit ingerlannissaannut Inatsisartut ataatsimiititaliaat aalajangersakkakut periarfissinneqarput taamaalillutik apeqqut ataatsimiititaliat suliassaqarfisa iluanni suliarineqartussaq tamanut ammasumik oqallisigsassanngortissinnaallugu. Tusarniaanerup qanoq ilusilimmik ingerlanneqarnissaa ataatsimiititaliamit imaluunniit ataatsimiititalianit apeqqut tamanut ammasumik oqallisigineqartoq pillugu tusarniaarusuttumit aalajangerneqassaaq.

Tusarniaanerli § 21, imm. 4-mi taaneqartoq tassaagajuttarpoq peqataasup aalajangersimasup imaluunniit peqataasumi aalajangersimasumi ataatsimiititaliaq sinnerlugu sassartup allakkatigut tusarniaaffiginera.

Erseqqissarneqassaaq ataatsimiititaliat tusarniaassutaat Naalakkersuisunut ilaasortap suliami ingerlanneranut pisussaffimminik akisussaatinneqarsinnaanerata misissornissaanut atorneqarsinnaanngimmat. Ataatsimiititaliaq isumaqarpat Naalakkersuisunut ilaasortaq suliaminik ingerlatsinermini pisussaaffimminik akisussaatinneqartariaqartoq, taamaattorli piissutsit Naalakkersuisunut ilaasortamut tunngasut kommissionimit misissuisartumit misissorneqassasoq ataatsimiititaliap siunnersuutigisinnaavaa.

## **§ 22-mut**

§ 22, imm. 1 suleriaatsimi atuuttumi § 22, imm. 1-imut naapertuuppoq allannguutigaluguli Nunanut Allanut Sillimaniarnermullu Ataatsimiititaliaq aalajangersakkami aamma ilanngunneqarmat.

Aalajangersakkami ataatsimiititaliat tamarmik immikkut Inatsisartut Allattoqarfianni atorfilimmik allatseqassasut aalajangersarneqarpoq.

§ 22, imm. 1-imi allannguutip kingunerisaanik Nunanut Allanut Sillimaniarnermullu Ataatsimiititaliap aalajangersakkami ilanngunneqarneratigut suleriaaseq atuuttoq allanngortinnejanngilaq. Inatsisartut Naalakkersuisullu pillugit Inatsisartut inatsisaata allanngortinnera pillugu Inatsisartut inatsisaata nr. 18, ulloq 11. december 2003-meersup akuersissutigineratigut allannguut taanna pilerpoq. Inatsisartut pillugit inatsimmi siusinnerusukkut aalajangersakkami ataatsimiititaliat allatseqartitaanerat Naalakkersuisut Siulittaasuata Allattoqarfiannit isumagineqassasoq aalajangersarneqarsimavoq. Aalajangersagaq taanna 2003-mi allannguinikkut atorunnaarsinneqarpoq. Tamatumunnga tunuliaqutaasoq allanngortitsineq pillugu inatsimmut nassuaatini 2003-meersuni erseqqinnerusumik nassuarneqarpoq, tassanissaaq Inatsisartut suleriaasianni § 22, imm. 1-imi tamatuma kingunerisaanik allannguisoqassasoq piumasarineqarpoq.

§ 22, imm. 2 suleriaatsimi atuuttumi § 22, imm. 2-mut naapertuuppoq.

Ataatsimiititaliat allattaasa suliassaat imm. 2-mi nassuiarneqarput.

### **§ 23-mut**

§ 23 suleriaatsimi atuuttumi § 23-mut naapertuuppoq.

Ataatsimiititaliaagallartup suliassaa tassaasoq nalunaarummik tunniussinissaq aammalu ataatsimiititaliap suliani pillugu nalunaarut allaganngorlugu tunniutereerpagu ataatsimiititaliaq atuukkunnaassasoq aalajangersakkami erseqqissarneqarpoq.

Ataatsimiititaliat ataavartut nalunaarutaat assiginagit ataatsimiititaliaagallartut nalunaarutaat Inatsisartut oqaluuserisarpaat.

### **§ 24-mut**

§ 24, imm. 1-ip suleriaatsimi atuuttumi § 24 ingerlateqqippaa allannguiteqarluni.

Inatsisartut Naalakkersuisullu pillugit Inatsisartut inatsisaanni nr. 11, ulloq 20. oktober 1998-imeersumi § 21-imni apeqqut taanna suleriaatsimi § 24, imm. 1-imni iluarsineqartumik aalajangersarneqarpoq, kisiannili Inatsisartut inatsisaanni “ataatsimiititaliat, qullersaqarfiiit il.il.” allassimasut suleriaatsimi ilanngunneratik, ingerlatseqatigiiffit qullersaqarfiiini ataatsimiititaliaanilu ilaasortat Inatsisartut toqqartanngimmatigik.

Inatsisartut inatsisaanni § 21-mi aalajangersagaq Inatsisartut Naalakkersuisullu pillugit Inatsisartut inatsisissaattut siunnersummi ingerlateqqinnejqanngilaq.

§ 24, imm. 1 suleriaatsimi atuuttumi § 24-imit tamatigoorneruvoq tassami § 24, imm. 1-imni aalajangersagassatut nutaat siunnersummi siunnersuisoqatigiit aamma aalajangiisartutut ataatsimiititaliat il.il. ilaasortaannik qinersineq aamma ilaasortanik avataaneersunik qinersineq pineqarmata, soorlu eqqartusseqataasartunik il.il.

Taamatuttaaq aalajangersagaq imatut allanngortinneqarpoq sinniisoqarfinnut aalajangiisartutullu ataatsimiititalianut il.il. ilaasortassanik tamatigut inissititerfiusumik ataatsimiinnermi qinersisoqassaassalluni. Taarsiullugu siunnersuutigineqarpoq sinniisut pineqartut qinigaaffiat inatsisiliornerit, ileqqoreqqusat aalajangersakkalluunniit allat siunnersuisoqatigiinnut, aalajangiisartutut ataatsimiititalianut il.il. atuuttut naapertorlugit aalajangersarneqartassasut.

§ 24, imm. 2 nutaajuvoq. Aalajangersakkap malitsigissavaa sinniisoqarfinnut, aalajangiisartutut ataatsimiititalianut il.il. sinniisussanik qinersisarneq sapinngisamik pisalissasoq sinniisut issiasut qinigaaffiisa naanissaat sioqqullugu inatsisartut ataatsimiinneranni.

Aalajangersakkakut qularnaarniarneqarpoq Inatsisartut periarfissaqarnissaat sinniisunik nutaanik qinersinissamut imaluunniit sinniisut issiareersut qinigaqqinnissaannut sinniisut issiasut qinigaaffiata naannginnerani.

§ 24 suleriaatsimut § 26-imut atatillugu isigineqassaaq. Taassuma ilaatigut malitsigissavaa sinniisoqarfinnut aalajangiisartutullu ataatsimiititalianut sinniisussanik qinersinerit sivisunerpaamik ukiuni sisamani atuussinnaasut.

Inatsisini, ileqqoreqqusani imaluunniit malittarisassani allani siunnersuisoqatigiinnut, aalajangiisartutut ataatsimiititalianut aamma pisortat suliffeqarfiinut il.il. atuuttuni ilaasortanik qinersiviusartuni ilinniartitaanernut immikkut piumasaqaateqartoqassanersoq imaluunniit inuit pineqartut naammassisimasassaannik piumasaqaatinik allanik piumasaqaateqartoqassanersoq aalajangerneqassaaq. Aammattaaq taakku pineqartut Inatsisartunut ilaasortat akornannit imaluunniit inuit Inatsisartunut ilaasortaanngitsut akornannit qinerneqassanersut Inatsisartut aalajangissavaat.

Siunnersuisoqatigiinnut aamma aalajangiisartutut ataatsimiititalianut il.il. ilaasortassanik qinersineq ataatsimiinnerni matoqqasuni tamatigut ingerlanneqartassaaq, tak. § 53, imm. 2, oqaaseqatigiit aappaat.

### **§ 25-mut**

§ 25 suleriaatsimi atuuttumi § 25-mut naapertuuppoq.

Inatsisartut Ombudsmandiat pillugu Inatsisartut inatsisaanni nr. 8-mi 3. december 2009-meersumi § 1 malillugu Inatsisartunut qinersisoqareernerit tamaasa atorfiullu inuttaqannginnerani Ombudsmandi Inatsisartut qinertassavaat.

Inatsisartut Ombudsmandiat pillugu Inatsisartut inatsisaanni nr. 8-mi 3. december 2009-meersumi § 5 malillugu Inatsisartunut qinersisoqareernerit tamaasa atorfiullu inuttaqannginnerani, Ombudsmandip aalajangiinissamut peqataasussaatitaannginnini pissutigalugu suliassaminik isumaginnissinnaannginnerani Sætteombudsmandi Inatsisartut qinertassavaat.

Namminersornerullutik Oqartussat naatsorsuuseriveqarnerat il.il. pillugit Inatsisartut inatsisaanni nr. 23-mi 3. november 1994-imeersumi § 5 malillugu Landskarsip ukiumoortumik naatsorsuutai kukkunersiuismiit naalagaaffimmit akuerisamit Inatsisartunit taamatut atorfinitssinneqartumit kukkunersiorneqartassapput.

### **§ 26-mut**

§ 26, imm. 1 aaqqissuinikkut allannguutit ilangullugit suleriaatsimut atuuttumi § 26, imm. 1-imut aamma Inatsisartut Naalakkersuisullu pillugit Inatsisartut inatsisaanni nr. 11-imi 20. oktober 1988-imeersumi § 30, imm. 1-imut naapertuuppoq. Inatsisartut inatsisaannili “pisortatigullunniit sinniisuuffimmut allamut”-mik allannilik suleriaatsimi atuuttumi “siunnersuisoqatigiit aamma aalajangiisartutut ataatsimiititaliat il.il.”-mik taarserneqarpoq.

Inatsisartut inatsisaanni § 30, imm. 1-imi aalajangersagaq Inatsisartut Naalakkersuisullu pillugit Inatsisartut inatsissaattut siunnersuummi ingerlateqqinnejingilaq.

Inatsisartut ataatsimiititaliaannut qinersineq aamma siunnersuisoqatigii aamma aalajangiisartutut ataatsimiititaliat il.il. ilaasortaannik qinersineq aalajangersakkami pineqarput, tak. § 24.

Sinnisoqarfinnut aalajangiisartutullu ataatsimiititalianut il.il. ilaasortat eqqarsaatigalugit aalajangersagaq suleriaatsimi § 24-imut atatillugu isagineqassaaq. Aalajangersakkamut tassunga nassuiaatit innersunneqarput.

Inatsisartut ataatsimiititaliaanni ilaasortat eqqarsaatigalugit suleriaatsimi aalajangersagaqarpoq allanik taakkununnga ilaasortassanik qinersisarneit qanoq ingerlannissaannik aalajangersaaviusunik.

§ 26, imm. 2 suleriaatsimi atuuttumi § 26, imm. 2-mut aamma Inatsisartut Naalakkersuisullu pillugit Inatsisartut inatsisaanni nr. 11-imi 20. oktober 1988-imeersumi § 30, imm. 5-imut Inatsisartut inatsisaanni aalajangersakkamut tunngatillugu aaqqissuinikkut allannguutit marluk mikinerit ilanngullugit allannguutitalimmut naapertuuppoq.

Inatsisartut inatsisaanni § 30, imm. 5-imi aalajangersagaq Inatsisartut Naalakkersuisullu pillugit Inatsisartut inatsisissaattut siunnersummi ingerlateqqinnejingilaq.

§ 26, imm. 3 Inatsisartut Naalakkersuisullu pillugit Inatsisartut inatsisaanni nr. 11-mi 20. oktober 1988-imeersumi § 30, imm. 2-mut naapertuuppoq, oqaatsit “pisortatigulluunniit sinniisuuffimmut allamut” peerneqarnera taassumalu “siunnersuisoqatigii aamma aalajangiisartutut ataatsimiititaliat il.il.”-mik taarserneqartoq eqqaassanngikkaanni.

Inatsisartut inatsisaanni § 30, imm. 2-imi aalajangersagaq Inatsisartut Naalakkersuisullu pillugit Inatsisartut inatsisissaattut siunnersummi ingerlateqqinnejingilaq.

## **§ 27-mut**

§ 27, imm. 1 suleriaatsimi atuuttumi § 27, imm. 1-imut aamma Inatsisartut Naalakkersuisullu pillugit Inatsisartut inatsisaanni nr. 11-mi 20. oktober 1988-imeersumi § 30, imm. 3-mut naapertuuppoq, aaqqissuussinikkulli allannguut ilanngullugu suleriaatsimi “suleriaaseq taanna” naapertorlugu aamma “inatsit taanna” naapertorluguunngitsoq qinersineq innersuussutigineqarpoq.

Inatsisartut inatsisaanni § 30, imm. 3-mi aalajangersagaq Inatsisartut Naalakkersuisullu pillugit Inatsisartut inatsisissaattut siunnersummi ingerlateqqinnejingilaq.

§ 27, imm. 2 suleriaatsimi atuuttumi § 27, imm. 2-mut aamma Inatsisartut Naalakkersuisullu pillugit Inatsisartut inatsisaanni nr. 11-mi 20. oktober 1988-imeersumi § 30, imm. 4-mut naapertuuppoq.

Inatsisartut inatsisaanni § 30, imm. 4-imi aalajangersagaq Inatsisartut Naalakkersuisullu pillugit Inatsisartut inatsisissaattut siunnersummi ingerlateqqinnejingilaq.

## **§ 28-mut**

§ 28 suleriaatsimi atuuttumi § 28-mut naapertuuppoq allanngortinneqalaarlunili.

Allannguut tassaavoq § 28, imm. 1-imikunneqarmat inatsisissatut siunnersuutinut nassuaatit aamma siunnersuutip aningasatigut allaffissornikkullu kingunerisassaani allaaserinninnerk aamma imaqartussaanerat. Inatsisissatut siunnersuutinut nassuaatit sumik imaqarnissaannik aalajangersagaq tamakkiisumik takutitsisuunngilaq.

Suleriaatsimi atuuttumi § 28-mi aalajangersakkat ataasiakkaat Inatsisartut Naalakkersuisullu pillugit Inatsisartut inatsisaanni nr. 11-mi 20. oktober 1988-imeersumi § 22-mi aalajangersakkanut naapertuuppoq. Aammattaaq Inatsisartut inatsisaanni § 22-mut tunngatillugu tapertatut aalajangersakkat § 28-mi pineqarput.

Aalajangersakkat ataasiakkaat Inatsisartut Naalakkersuisullu pillugit Inatsisartut inatsisaanni § 22-mut naapertuuttut Inatsisartut Naalakkersuisullu pillugit Inatsisartut inatsisissaattut siunnersummi § 13, imm. 1-imut aamma § 14-imut ingerlateqqinneqarput. Inatsisartuni inatsisissatut siunnersuutnik il.il. kikkut saqqummiussisinnaanersut aamma Inatsisartut inatsisissaattut siunnersuutit inatsisitut ilusilerlugit saqqummiunneqartassasut pingajussaanerlugillu oqaluuserisassanngortinneqartassasut aalajangersakkani pineqarput.

Inatsisartut inatsisissaattut siunnersuutinut tunngatillugu ilusissatut piumasaqaatit naammassineqarsimasussat § 28-mi nassuiardeqarput.

Inatsisartut inatsisissaattut siunnersuutit inatsisitut ilusilerlugit oqaasertalersorneqassapput aammalu nassuaatinik nalinginnaasunik aamma nassuaatinik immikkut ittunik ilaqartinneqassallutik kiisalu qulequttamik atserneqarsimallutik.

Inatsisartut inatsisaata allannguutissaanik imaluunniit atorunnaarsinnissaanik siunnersuut, Inatsisartut inatsisissaattut imaluunniit Inatsisartut peqqussutissaattut siunnersuut pineqarpata imm. 2 malillugu siunnersuutip ilusilernissaanut saniatigut marlunnik piumasaqaateqarpoq:

1. Siunnersuut Inatsisartut inatsisaata imaluunniit Inatsisartut peqqussutaata allanngortinneqarnissaanik atorunnaarsinneqarnissaanilluunniit Inatsisartut inatsisissaattut siunnersummik taaguuserneqassaaq.
2. Aammattaaq siunnersuut qulequttamik atilequtaasumik (qulequtaaqqamik) allannguutip imaanik pingarnermk ersersitsisumik ilanngussiffingeqassaaq.

Aammattaaq Inatsisartut inatsisissaattut siunnersummi ilusissatut piumasaqaatit § 4, imm. 5 malillugu Inatsisartut Siulittaasoqarfia piumasaqaasiussinnaasai malinneqassapput.

Siunnersuuteqartoq inatsisartut inatsisissaattut siunnersummik Inatsisartut siulittaasuannut siunnersuut agguanneqarpat siunnersummik Inatsisartunut nalunaarutiginnittussamut saqqummiussissasoq § 28, imm. 4-mi aalajangersarneqarpoq.

Siunnersuutip saqqummiunnerani ilusissatut piumasaqaatit suleriaatsimi, inatsimmi allami imaluunniit § 4, imm. 5 malillugu Siulittaasoqarfimmit aalajangersarneqartut malinneqarsimanersut Inatsisartut Siulittaasuata misissussavai. Siunnersuut ilusissamut

saqqummiussinissamullu piumasaqaatinik naammassinnngitsoq § 39, imm. 2 malillugu itigartinneqarsinnaavoq.

### **§ 29-mut**

§ 29, imm. 1 suleriaatsimi atuuttumi § 29, imm. 1-imut aamma Inatsisartut Naalakkersuisullu pillugit Inatsisartut inatsisaannut nr. 11-mi 20. oktober 1988-imeersumi § 22, imm. 1, oqaaseqatigiit aappaannut annikinnerusumik allannguutitalimmut naapertuuppoq.

Inatsisartut inatsisissaattut siunnersuut Inatsisartuni pingasoriarlugu oqaluuserisassanngortinnissaanik aalajangersagaq aammattaaq Inatsisartut Naalakkersuisullu pillugit Inatsisartut inatsisissaattut siunnersuummi § 14-imi aalajangersarneqarpoq.

§ 29, imm. 2 aamma 3 suleriaatsimi atuuttumi § 29, imm. 2-mut aamma 3-mut naapertuuppoq.

### **§ 30-imut**

§ 30 suleriaatsimi atuuttumi § 30-mut naapertuuppoq.

§ 30, imm. 3 pingajussaaneerinnnginnermi ataatsimiititaliamut siusinnerusukkut siunnersummik suliarinnissimasumut imaluunniit ataatsimiititaliamut allamut innersuussinissamut Inatsisartunut periarfissiivoq. Tamanna Inatsisartut namminneq aalajangissavaat. Inatsisartuni ataatsimiititaliat pillugit siunnersuutip aappassaaneerlugu pingajussaaneerlugulu oqaluuserinerata akornanni ataatsimiititaliami suliarineqarnissaani kapitel 4 aamma atuutissaaq.

### **§ 31-mut**

§ 31 suleriaatsimi atuuttumi § 31-mut naapertuuppoq.

§ 31, imm. 2-mi Inatsisartut Naalakkersuisullu pillugit Inatsisartut inatsisaanni nr. 11-mi 20.oktober 1988-imeersumi § 31,imm. 3 pineqarpoq tassungalu tapertaalluni. Inatsisartut pillugit inatsimmi aalajangersagaq Inatsisartut Naalakkersuisullu pillugit Inatsisartut inatsisissaattut siunnersuummi ingerlateqqinnejanngilaq.

Inatsisartut inatsisissaattut siunnersuut inaarlugu aalajangiiffigineqarnera Inatsisartut siulittaasuannit aamma allattaanermit atsiorneqassasoq § 31, imm. 3-mi aalajangersarneqarpoq. Tamatuma kingorna siunnersuutip inaarlugu aalajangikkap imassani Inatsisartut aalajangigaa imarissagaa inuit taakku marluk akiussaaffigilerpaat. Siunnersuutip pingajussaaneerlugu oqaluuserineqannginnerani allannguutissatut siunnersuutit aappassaaneerinninnermi akuersissutigineqartut ilanngunneqarnissaat Inatsisartut Allattoqarfiata siunnersummuit aaqqissuullugit suliarereersimassavai, pingajussaaneerinninnermi allannguutissatut siunnersutit pineqartut Inatsisartut aamma akuersissutigippatigik siunnersuut qanoq isikkoqassanersoq Inatsisartunit takuneqarsinnaanngorlugu.

Atsioreernermermi siunnersuut Naalakkersuisut siulittaasuannut nassiunneqassaaq atortuulersinnissaa nalunaarutiginissaalu siunertalarugu.

### **§ 32-mut**

§ 32 suleriaasissami atuuttumi § 31 a-mut naapertuuppoq.

Aalajangersagaq 2000-imi upernaakkut ataatsimiinnermut tunngatillugu suleriaatsimut ilanngunneqarpoq.

Inatsisartut Suleriaasissaattut siunnersuut aamma Inatsisartut Suleriaasiata allanngortinnissaanik siunnersuut Inatsisartut inatsisissaattut siunnersummi malittarisassat malillugit suliarineqassasoq aalajangersakkami aalajangersarneqarpoq.

Taamaalilluni ilusissatut piumasaqaatit Inatsisartut inatsisissaattut siunnersummi atuuttut kiisalu ataatsimiitaliat suliarinninnissaannut periarfissaq suleriaasissatut siunnersummiik Inatsisartut suliarinninnerata kipitinneqartariaqarneranik kinguneqanngitsumik tamakkiisumik paasissaasumik suliarinneriaaseqarnissaq qulakkeerneqassaaq.

Inatsisartut inatsisissaattut siunnersuut pillugu malittarisassat malillugit suleriaasissatut siunnersuutip suliarineqartarnerata ajoqutigaa siunnersuut taama ittoq Inatsisartut pingasoriarlugu oqaluuserisassammassuk tamannalu siunnersuutip taama ittup aalajangersakkap 2000-imi suleriaatsimut inissinnissaa sioqqullugu suliarinissaannit ajornakusoorneruvoq. Aappaatigulli pingasoriarluni oqaluuserinnittarnerit allanit tamanit peqqissaarnerusumik suliarinninnerisarput siunnersummi Inatsisartut inaarlugu akuersissutigisaat qaffasinnerusumik pitsaassuseqartarmat.

### **§ 33-mut**

§ 33 suleriaatsimut atuuttumi § 32-mut naapertuuppoq, ilassutigaluguli aningaasaqarnikkut allaffissornikkullu kingunissat siunnersummi nassuiarneqarneqarat.

Aningaasaqarnikkut allaffissornikkullu kingunissat aalajangigassatut siunnersummi nassuiarneqarnissaat pillugu ilassuteqarnikkut aalajangigassatut siunnersuutit saqqummiunneqartut oqaluuserinissaannut Inatsisartut naammattunik tunngavissinneqassapput. Aningaasaqarnikkut allaffissornikkullu pisariaqartitat qanoq annertutigisumik nassuiarnissaanni siunnersuutit pineqartut suuneri apeqquaapput. Inatsisartunut ilaasortat aalajangiiffisassatut siunnersuutaanni aningaasaqarnikkut allaffissornikkullu kingunissat pillugit nassuaatit Naalakkersuisut inatsisissatut siunnersuutaannut sanilliullugit tamatigut qularnaatsuusarnavianngitsut aammattaaq naatsorsuutigineqartariaqarpoq. Inatsisartunut ilaasortat ataasiakkaat Naalakkersuisut periarfissaatulli naliliinissamut naatsorsuinissamullu periarfissaqartannginnerat matumani pissutaavoq.

Suut aalajangigassatut siunnersuutit isikkulerlugit oqaluuserisassanngortinnejarsinnaanersut § 33-mi aalajangersarneqarpoq.

Siunnersuut Inatsisartut aalajangigassaattut taaguusissallugu naammanngilaq. Siunnersuutip imaa oqaasertaligaassaaq Inatsisartut siunnersummiik aalajangiisinnaangorlugit.

Aalajangigassatut siunnersuut Inatsisartut siulittaasuannut allaganngorlugu saqqummiunneqassaaq siunnersuullu agguaanneqarpat Inatsisartut siulittaasuata Inatsisartunut nalunaarutigisussaavaa.

§ 33, imm. 1-imi taaneqartutut aalajangigassatut siunnersuut akuersissutigineqarpat, Inatsisartut inatsisissaattut siunnersuutivittut saqqummiunneratigut imaluunniit nalunaarummik atortussanngortitsinikkut siunnersuutip piaartumik saqqummiunnissaa Naalakkersuisut pisussaaffigaat, tak. § 33 imm. 5.

Inatsisartut aalajangigaat allaffisornermi peqqussusiornikkut naleqqunnerussasoq Naalakkersuisut isumaqarunik nalunaarummik atuutilersitsinnaatitaaneq Naalakkersuisut atorsinnaavaat. Nalunaarummilli atuutilersitsinissamut nalunaarummik atortuilersitsinikkut aalajangikkap tamakkiisumik atuutilersinneqarnissaa piumasaqaataavoq.

Nalunaarummik atortuilersitsikkut aalajangigaq atuutilersinneqassasoq Naalakkersuisut toqqarpassuk Naalakkersuisut Inatsisartunut nalinginnaasumik ataqqinnittussaatitaanerat tunngavigalugu nalunaarummik atortuilersitsinermi aalajangiineq suliaqarfimmuit sorlernut atanersoq Naalakkersuisut soorunami siunnersuuteqartumut Inatsisartullu ataatsimiititaliaanut pineqartumut ilisimatitsissutigissavaat.

Aammattaaq aningaasaliissutit oqaasertaliussallu nutaat allannguutaalluunniit pillugit qinnuteqaatit Aningaasaqarnermut Ataatsimiititaliamit Inatsisartunut innersuussat § 33, imm. 3, nr. 2 malillugu suliarineqassapput.

Aningaasaliissutit oqaasertaliussallu nutaat allannguutaalluunniit pillugit qinnuteqaatit suliarinissaat missingersuusiorneq pillugu inatsimmi § 25, imm. 2 malillugu Aningaasaqarnermut Ataatsimiititaliap Inatsisartunut innersuussutigisinnaavaa.

Aningaasaqarnermut Ataatsimiititaliap qinnuteqaat Inatsisartunut innersuukkusukkunikku tamanna ataatsimiititaliap Naalakkersuisunut nalunaarutigissavaa tamatumalu kingorna Inatsisartut aalajangigassaattut siunnersuut Naalakkersuisut saqqummiutissavaat. Tamanna pereerpat aalajangigassatut siunnersuut Inatsisartut ataatsimiinnissaanni tulliuttumi siullermi oqaluuserisassani immikkoortutut ilanngunneqassaaq.

Aningaasaqarnermut Ataatsimiititaliap Inatsisartunut innersuustissani kingusinnerpaamik piffissaliussap naareerneratigut saqqummiussimagaangagu suleriaatsimi § 40 malillugu kingusinnerpaamik killiliussaq Naalakkersuisut malikkusuttuaannartannngikkaat Siulittaasoqarfiup maluginarpaa. Taama pisoqartillugu § 41 malillugu kingusinnerpaamik killiussap kinguartinnissaa immikkut akuerineqassasoq Inatsisartunut inassutigissallugu Siulittaasoqarfik piareersimasarumavoq.

Alla tunngavimmigut pingaarutilik pillugu siunnersuut, tak. § 33, imm. 3, nr. 3 Inatsisartunit oqaluuserineqarsinnaassaguni piumasaqaatit makku naammassineqarsimassapput:

1. Siunnersuut tunngavimmigut pingaaruteqassaaq.
2. Inatsisartut aalajangiinissaat pingaaruteqarpoq.

Aammattaaq aalajangigassatut siunnersummut piumasaqaasiussat naammassineqarsimassapput.

Soorlu inatsisit pillugit aalajangigassatit siunnersuutit taama pineqartartut, aalajangigassatut siunnersuut § 33, imm. 3, nr. 3 malillugu imamigut aamma sukumiisuussaaq. Imaappoq siunnersuut ilusilerneqarsimassaaq suliaq pineqartoq Inatsisartunit aalajangiiffingineqarsinnaassalluni. Assersuutigalugu suliaq tassaasinnaavoq Inatsisartut peqataaffigisaat Inatsisartullu tassaassallutik aalajangiissat.

Suliaq tunngavimmigut pingaarutilik pillugu siunnersuut taama ittoq suliap naalakkersuinikkut imaa siunnersuuteqartup oqaluuserisassatut ilusilersimappagu siunnersuut taama ittoq aalajangigassatut siunnersuutit oqaluuserineqarsinnaanngilaq. Tamatumunnga taarsiullugu suleriaatsimi § 36 malillugu siunnersuuteqartoq apeqquteqaatitut oqaluuserisassanngortitsissaaq.

Nunat tamat kattuffiinit aalajangersakkat Inatsisartunit ilalerneqarnissaat pillugu aalajangigassatut siunnersuut § 33, imm. 3, nr. 1 malillugu akuersissutigineqartoq § 33, imm. 5 naapertorlugu Inatsisartut aalajangiinerat nittarsaatissallugu Naalakkersuisunut pisussaaffiliinngilaq.

Siunnersuutit imm. 1-imi aamma 3-mi taaneqartut saniatigut Naalakkersuisut siunnersuutaat makku § 33, imm. 6 malillugu aalajangigassatut siunnersuutit oqaluuserineqassapput

- 1) Nunatta Karsiata naatsorsuutaasa akuersissutigineqarnissannik siunnersuut.
- 2) Akileraarutitigut ilanngaatit il.il. aalajangersaavigineqarnissaat pillugit siunnersuutit.
- 3) Inatsisit Danmarkimi atuuttut Kalaallit Nunaannut atortussanngortinniarneqartut pillugit Inatsisartut oqaaseqaatissaattut siunnersuutit.
- 4) Nunat tamalaat akornanni isumaqatigiissutit, nunat tamat nalinginnaasumik isumaqatigiissutaat il.il. akuersissutigitinniarneqartut pillugit Inatsisartut oqaaseqaatissaattut siunnersuutit.
- 5) Siunnersuutit allat inatsisit allat naapertorlugit Inatsisartunit oqaaseqaateqarfingineqartariaqartut.

Nr. 4-mut tunngatillugu nunat tamat akornanni isumaqatigiissutit aamma nunat tamat nalinginnaasumik isumaqatigiissutaat ilaatigut qallunaatut nutserneqarsimannginnerat assersuutigaluguli tuluttuinnaq allassimannerat ajornartorsiutaasinaasoq Siulittaasoqarfiup maluginiarpaa. Nunat tamat akornanni isumaqatigiissutit aamma nunat tamat nalinginnaasumik isumaqatigiissutaat Inatsisartut aalajangigassaattut siunnersuutip nunat

tamat akornanni isumaqatigiissutit imaluunniit nunat tamat nalinginnaasumik isumaqatigiiressaat ilalerneqarnissaannik Inatsisartut oqaaseqaataat Naalakkersuisunit saqqummiunneqartut Inatsisartut oqaluuserilinnginneranni Naalakkersuisut nutsertissagaat Siulittaasoqarfiup piumasaqaatigissanerlugu Siulittaasoqarfiup sukumiisumik nalilissavaa.

§ 33, imm. 7 malillugu Inatsisartut aalajangigassaattut siunnersuut inaarutaasumik aalajangiiffinginnginneranni Inatsisartut marloriarlugit oqaluuserisartussavaat. Siunnersuut ataatsimiitaliami suliarineqassasoq Inatsisartut aalajangerpassuk, aalajangigassatut siunnersuut pillugu isumaliutissiisummik tunniussinissaq ataatsimiitaliap pisussaaffigaa, tak. § 17.

Siulittaasoqarfik akuersiteeqqaarnagu siunnersuuteqartup siunnersuut naatsumik nassuaateqarfigisinnaavaa.

Inatsisartut aalajangigassaattut siunnersuut pillugu allannguutissatut siunnersuuteqartoqarsinnaavoq, tak. § 33, imm. 8.

#### **§ 34-mut**

§ 34 suleriaatsimi atuuttumi § 33-mut naapertuuppoq.

Allannguutissatut siunnersuut tamatigut allallugu oqaasertalersugaasassaaq. Inatsisartut inatsisaannut allannguutissatut siunnersuutit aammattaaq nassuaatinik ilaqaqtinneqartassapput, tak. § 34, imm. 3.

Allannguutissatut siunnersuut Inatsisartunit nalilersorneqarsinnaaqquullugu siunnersuutip, allannguutissatut siunnersuutip attuumassuteqarfigisaata oqaluuserineqalinnginnerani kingusinnerpaamik ullormik ataatsimik sioqqutsisumik agguanneqarsimassaaq. Kingusinnerpaamik piffissaliussaq allannguutissatut siunnersummut tunngatillugu naammassineqarsimappat, allannguutissatut siunnersuut aammattaaq § 34, imm. 1 aamma 2 malillugit saqqummiunneqarsinnaappat, siunnersuut tassunga tunngasoq ilanngullugu allannguutissatut siunnersuut oqaluuserissallugu Inatsisartut pisussaapput.

Inatsisartunulli ilaasortap § 34, imm. 5 malillugu allannguutissatut siunnersuutip oqaasertalersornissaa siunertalarlugu oqaluusserinninnerup unitsikkallarnissaa siunnersuutigisinnaavaa. Taamatulli pisoqartillugu allannguutissatut siunnersuutip saqqummiunneqarnissaa siunertalarlugu oqaluuserinninneq unitsinneqarallassanersoq Inatsisartut tamarmiusut aalajangissavaat.

Inatsisartut inatsisisaattut imaluunniit Inatsisartut aalajangigassaattut siunnersummut allannguutissatut siunnersuutit pillugit malittarisassat tassani atuuttut assingi malillugit allannguutissatut siunnersuut pillugu § 34, imm. 6 malillugu allanguutissatut siunnersuuteqartoqarsinnaavoq.

Siunnersuut sunaluunniit, allannguutissatut siunnersuut imaluunniit allannguutissatut siunnersummut atilequtaasoq tunuartinneqarpat, allannguutissatut siunnersuutit saqqummiussannut malittarisassat atuuttut malillugit allat saqqummiussinnaavaat.

Suleriaasissaq malillugu, inatsit alla malillugu imaluunniit § 4, imm. 5-mi aalajangersagaq malillugu Siulittaasoqarfiup aalajangersagaa malillugu Inatsisartut inatsissaattut siunnersummut allannguutissatut siunnersummi ilusissaq saqqummiussinissarlu pillugit piumasaqaatit naammassineqarsimanngippata allannguutissatut siunnersuut Siulittaasoqarfiup itigartissinnaa, tak. § 34, imm. 8.

§ 34, imm. 1-imu Inatsisartut inatsisaannut allannguutissatut siunnersuutit pineqarput.

Siunnersuutip aappassaaneerneqarnerani Inatsisartunut ilaasortaq, Naalakkersuisunut ilaasortaq, ataatsimiitaliamut ilaasortaq kinaluunniit, ataatsimiitaliami amerlanerussuteqartut ikinnerussuteqartullu allannguutissatut siunnersummit saqqummiunneqarsinnaavoq/saqqummi-ussaqarsinnaapput.

Ataatsimiitaliaq, ataatsimiitaliami amerlanerussutilit ikinnerussutilillluunniit isumaliutissiissuteqarnermikkut allannguutissanik siunnersuuteqartassapput.

Allannguutissatut siunnersuutip pingajussaaneerneqarnerani Naalakkersuisut, ataatsimiitaliaq, ataatsimiitaliami amerlanerussutilit imaluunniit ikinnerussutilit imaluunniit Inatsisartunut ilaasortat sisamat ataatsimoorlutik allannguutissamik siunnersuuteqarsinnaapput.

§ 34, imm. 2-mi Inatsisartut aalajangiiffigisassatut siunnersummut allannguutissatut siunnersuutit pineqarput.

Allannguutissatut siunnersuutip siullermeerneqarnerani Inatsisartunut, Naalakkersuisut, ataatsimiitaliaq, ataatsimiitaliami amerlanerussutilit aamma ikinnerussutilit allannguutissamik siunnersuuteqarsinnaapput.

Allannguutissatut siunnersuutip aappassaaneerneqarnerani Naalakkersuisut, ataatsimiitaliaq, ataatsimiitaliami amerlanerussutilit imaluunniit ikinnerussutilit imaluunniit Inatsisartunut ilaasortat sisamat ataatsimoorlutik allannguutissamik siunnersuuteqarsinnaapput.

Ataatsimiitaliaq, ataatsimiitaliami amerlanerussutilit ikinnerussutilillluunniit isumaliutissiissuteqarnermikkut allannguutissanik siunnersuuteqartassapput.

## § 35-imut

§ 35 suleriaatsimi atuuttumi § 34-imut naapertuuppoq.

§ 35 naapertorlugu Naalakkersuisut pisortat suliassaataat pillugit Inatsisartunut nassuaateqarsinnaapput. Naalakkersuisut namminneerlutik sammisaq aalajangersimasoq sorleq nassuaatigissanerlugu Inatsisartunut nalilissavaat.

Naalakkersuisut Inatsisartunut taamatut nassuaateqarumappata tamanna Naalakkersuisut Inatsisartut Siulittaasuannut nalunaarutigissavaat, taassumalu nassuaat agguanneqareerpat Inatsisartunut nalunaarutigissavaa.

Nassuaatit tamatigut naqitaasut isumaqatigiinniutigineqartussaanngillat. Immikkorluinnaq ittumik pisuni Inatsisartut Siulittaasoqarfiat isumaqatigiinniutiginnitqarnissaanik akuersisinnaavoq. Naalakkersuisut kissaatigipassuk nalunaarusiaq Inatsisartut oqaluuserisassaannut ilanngunneqassasoq isumaqatigiinniutigineqarlunilu Inatsisartut ataatsimiinnissaata aallartinnissaa sapaatip akunneranik tallimanik sioqqullugu § 40 naapertorlugu nalunaarusiaq Inatsisartut Siulittaasuannut tunniunneqarsimassaaq.

Imm. 5 naapertorlugu nassuaatit tulliini taaneqartut tamatigut isumaqatigiinniutigineqartassapput:

- 1) Naalakkersuisut Siulittaasuata Inatsisartut ukiuata aallartinnerani Inatsisartunut nassuaataa.
- 2) Naalakkersuisut Siulittaasuata Inatsisartunut qinigaarlaanut nassuaataa.
- 3) Nunanut allanut tunngasunut naalakkersuinikkut ingerlatsineq pillugu nassuaat.
- 4) Naalakkersuinikkut Aningasaqarniarnikkullu ingerlatsineq pillugu nassuaat.
- 5) Nassuaatit inatsisit malillugit Naalakkersuisunit Inatsisartunut saqqummiunneqartussaatitaasut, taakkulu isumaqatigiinniutigineqarnissaat Naalakkersuisut kissaatigineqarpat. Taamaattorli nassuaatit taakku Inatsisartuni isumaqatigiinniutigineqassapput Naalakkersuisut tamatuminnga kissaateqarpata.

Aammattaaq imm. 6 naapertorlugu Naalakkersuisut Siulittaasuatu apeqqutit inuiaqatigiinnut kalaallinut immikkut pingaarutillit pillugit Inatsisartunut nassuaateqarsinnaavoq. Nassuaat taamaattoq isumaqatigiinniutigineqartassaaq.

Naalakkersuisut Siulittaasuata nammineerluni nalilissavaa Inatsisartunut qaqugukkut nassuaateqassanerluni, kisiannili pissusissamisuussaaq naalakkersuinikkut pissutsit inuiaqatigiinnut kalaallinut immikkut ittumik pingaarutillit, assersuutigalugu illorsornissaq pillugu nutaamik isumaqatigiissuteqarneq imaluunniit aningasaqarnikkut ingerlatsinermi allannguiteqarnerup imaluunniit ajorseriaateqarnerup tamanna pisariaqartippagu. Aammattaaq Inatsisartunut nassuaateqarnissaq pissusissamisuussaaq pinngortitaq imaluunniit inuit ajunaarnersuarmit eqqorneqartillugit inuiaqatigiit kalaallit ilangaatsiarsuinut sunniisunik assersuutigalugu soorlu umiarsuit ajunaarnerisigut imaluunniit timmisartup nakkanerisigut.

Naalakkersuisut Siulittaasuatu apeqqutit inuiaqatigiinnut kalaallinut immikkut pingaarutillit pillugit Inatsisartunut nassuaateqarpat nassuaat tamatigut Inatsisartuni isumaqatigiinniutigineqassaaq. Piffissaritaasumik sapaatip akunneranik tallimanik sivisussuseqartup avaqqunneqarsinnaanera soorunami Inatsisartut Siulittaasoqarfiaata piareersimaffigivaa Naalakkersuisut Siulittaasuata nassuaateqarnissani Inatsisartunut kissaatigipaguu.

§ 35, imm. 7 nassuaatip pingaarnertut imarisaa pillugu Naalakkersuisunut naatsumik nassuaateqarnissamik periarfissiivoq.

Nassuaat isumaqatigiinniutigineqartussatut isikkoqartutut Inatsisartut Siulittaasoqarfianit isigineqarpat, imaluunniit § 35, imm. 4 naapertorlugu nassuaat pisortanit imaluunniit naalakkersuinikkut soqutiginaateqarpat Siulittaasoqarfik isumaqatigiinniarnissamut piginnaatitsisummik tunniussippat piissusissamisuussaaq nassuaatip pingaarnertut imarisaa pillugu Naalakkersuisut naatsumik nassuaateqarnissaat.

Imm. 8 naapertorlugu nassuaatit pillugit isumaqatigiinniarnernut atatillugu Inatsisartut oqaaseqaatissaannut siunnersummik saqqummiisoqarsinnaavoq. Nassuaatit pillugit oqallinnermi Inatsisartut oqaaseqaatissaat ataasiinnaq akuersissutigineqarsinnaavoq. Nassuaatit pillugit oqallinnermut atatillugu allatut aalajangiisoqarsinnaanngilaq nassuaat sunaagaluartorluunniit pineqaraluarpas. Inatsisartut oqaaseqaatissaatut siunnersuutip akuerineqartup avataatigut allatut aalajangiisoqarnissaa kissaatigineqarpat, Inatsisartut inatsisissaattut siunnersummik imaluunniit Inatsisartut aalajangiiffigisassaattut siunnersummik saqqummiussisoqassaaq.

Inatsisartut oqaaseqaataat suliniutinik assigiinngitsunik aallartitsinissamik Naalakkersuisunut kaammattuutitut isikkoqarsinnaavoq taamaattorli aamma allatut isikkoqarsinnaalluni (takussutissiineq tamakkiisuunngilaq):

- Akuersaannginnermik nalunaarutiginninneq – ass. meeqjanut atornerluinernut imaluunniit arnanut persuttaanernut.
- Akuerineqarneq – ass. timersoqatigiiffinni namminneq piumassutsiminnik suliaqartunit ingerlanneqartut imaluunniit suliniutit Naalakkersuisunit aallartinneqarsimasut suliaat pillugit.
- Inatsisartut tulleriaarinerat pillugu akuersaarnermik nalunaaruteqarneq – ass. peqqinnissaqarfimmut aningaasartuutit annertunersaasa ilaat pinaveersaartitsinermut siunertalerneqarnissaat.
- Naalakkersuinikkut anguniakkat imaluunniit naleqartitat pillugit akuersaarnermik nalunaaruteqarneq – ass. ukiuni tulliuttuni arfineq pingasuni pujortartartut 25 %-imik ikilisinneqartariaqarnerat.

Inatsisartut oqaaseqaataat Naalakkersuisunut kaammattuutitut isikkulik § 33-imi aalajangiiffigisassatut siunnersuutit akuerineqarsimasutulli Naalakkersuisunut inatsisitigut pituttuisuunngilaq. Aalajangiiffigisassatut siunnersuutit inatsisitigut pituttuisut (ningaasaqarnikkut allaffissornikkullu sunniutaat pingaaruteqarpata) marloriarlutik suliarineqartariaqassapput isumaliutissiisummik tunniussinissamik periarfissalerlugit kiisalu naalakkersuinikkut sulinerup pisortanit sunnerneqarsinnaanerannik periarfissillugit nalilerneqarpoq. Taamaattorli Inatsisartut oqaaseqaataat naalakkersuinikkut § 33 naapertorlugu Inatsisartut aalajangererattulli pisussaaffiliinera qularutigineqassanngilaq.

## § 36-imut

§ 36 inatsisartut suleriaasianni atuuttumut § 35-imut naapertuuppoq.

Apeqquuteqaat aallaavigalugu oqallinnerit siunnersuutitulli allatulli Inatsisartuni isumaqatigiinniutigineqartussatut kissaatigineqartut Inatsisartut Siulittaasuannut ataatsimiinnerup aallartinnissaa sapaatip akunnerinik tallimanik sioqqullugu tunniunneqassapput apeqquuteqaatigineqartup isumaqatigiinniutigineqarnissaa kissaatigineqarpat, tak. § 40.

Imm. 3 naapertorlugu apeqquuteqaatigineqartoq tunuartinneqarsimappat apeqquuteqaammik allamik tigusaqartoqarsinnaanngilaq.

§ 36, imm. 1 naapertorlugu apeqquuteqaammik isumaqatigiinniarnermut atatillugu § 36-imi imm. 4-imi atuuttut § 35-imi imm. 8-mut naapertuupput, Naalakkersuisut nassuaatit pillugit isumaqatiginniinnaarnerat. Taamaattorli assigiinngissutigaa § 36, imm. 4 naapertorlugu Inatsisartut apeqquuteqaammik isumaqatigiinniarnerannut atatillugu, isumaqatigiinniarnerit unitsinneqarnissaat sukkulluunniit akuersissutigineqarsinnaammat, kiisalu Inatsisartunut ilaasortap siunnersuutigisinnaavaa Inatsisartut oqaluuserisassaanni immikkoortumut tulliuttumut ingerlaqqinnissaat, Naalakkersuisunut imaluunniit Naalakkersuisunut ilasortanut ataasiakkaanut tatiginnikkunnaarnermik tunngavilersuinermik pissuteqartumik. Tamanna §§ 50 – 52-imi § 36-imi imm. 4-imi immikkoortumi kingullermi innersuussutigineqartumi takuneqarsinnaavoq.

### **§ 37-imut**

§ 37-ip inatsisartut suleriaasianni § 36 atuuttoq ingerlateqqippaa. Allannguutaasa imarisamigut sunniutigaa allakkatigut apeqqutit pisortanut tunngassuteqartut oqaasiinnarmik Inatsisartunut saqqummiunneqarsinnaajunnaarnerat. Taakku saniatigut aaqqissuinikkut allannguisoqarnera pineqarpoq.

Inatsisartuni oqaasiinnarmik saqqummiussisinnaanermik periarfissap atorunnaarsinneqarnera, oqaasiinnarmik saqqummiineq imminermini allakkatigut akissuteqaatiniit apeqqutini pisortat susassaqarfigisaanni pitsaanerusumik paassisutissiinnginneranik tunngavilersorneqarpoq. Taamaammat Inatsisartunut pissusissamisoortutut piffissamillu sipaarutaasutut isigineqarpoq, apeqqutinik taamaattunik Naalakkersuisullu allakkatigut akissutaannik oqaasiinnakkut saqqummiussinissamik periarfissap atorunnaarsinneqarnera.

§ 37, imm. 1 aamma 2 inatsisartut suleriaasianni atuuttumi § 36, imm. 1 aamma 3 assigaa.

§ 37, imm. 3-p inatsisartut suleriaasianni § 36, imm. 5 atuuttoq ingerlateqqippaa, imatut ilassuserlugu, Inatsisartut Siulittaasuata isumagissagaa § 37, imm. 1 naapertorlugu Naalakkersuisut akissutaata apeqquuteqartumut ingerlateqqinnejarnissaa, taamatullu aamma apeqqutip akissutillu Inatsisartunut ilaasortanut takusassiarineqarnissaa. Tamanna maannamut suleriaatsimut naapertuuppoq.

§ 37, imm. 4 aamma 5 inatsisartut suleriaasiannut atuuttumut § 36, imm. 6 aamma 7-imut naapertuupput , allannguutit malitsigisaat allakkatigut apeqquteqaatit, tak. § 37, imm. 1, oqasiinnakkut saqqummiunneqarsinnaanngillat.

### **§ 38-imut**

§ 38 suleriaatsimi atuuttumi § 37-imut naapertuuppoq.

§ 38, imm. 1, ilaatigut ima isumaqarpoq, Inatsisartut ukiaanerani ataatsimiinnissaannut tamatigut ilaasortat septemberip qaammataani tallimanngornerit pingajuanni aggersarneqartassasut.

§ 38, imm. 2, inatsisartut suleriaasiannut atuuttumut § 37, imm. 2-imut kiisalu Inatsisartut inatsisaannut nr. 11 20. oktober 1988-imeersumut Inatsisartut kiisalu Naalakkersuisut § 9, imm. 1, taamaattorli inatsisartut inatsisaanni immikkoorutaa erseqqissarneqarluni Inatsisartut Inatsisartut ukiuanni minnerpaamik marloriarlutik katersuuttassasut.

§ 9, imm. 1-imi aalajangersagaq, Inatsisartut kiisalu Naalakkersuisut pillugit Inatsisartut inatsisaat Inatsisartut kiisalu Naalakkersuisut pillugit Inatsisartut inatsisissaattut siunnersummi ingerlateqqinnejannngilaq.

38, imm. 3 inatsisartut suleriaasiannut atuuttumut § 37, imm. 3-imut kiisalu Inatsisartut inatsisaannut nr. 11 20. oktober 1988-imeersumut Inatsisartut kiisalu Naalakkersuisut § 9, imm. 2-imut kiisalu Inatsisartut Naalakkersuisullu pillugit Inatsisartut inatsisissaattut siunnersummut § 10, imm. 1-imut naapertuuppoq. Taamaattorli suleriaatsimut ilangunneqarpoq Inatsisartut katersuutarnerat ingerlanneqartassasoq naleqquttumik ilimasaaruteqareernikkut.

§ 38, imm. 4 Inatsisartut inatsisaannut nr. 11 20. oktober 1988-imeersumut Inatsisartut aamma Naalakkersuisut § 9, imm. 4-imut kiisalu Inatsisartut Naalakkersuisullu pillugit Inatsisartut inatsissaattut siunnersummut § 10, imm. 2-imut. Taamaattorli suleriaatsimi erseqqissarneqarpoq, Inatsisartut ukiuanni ileqquusumik katersuutarnerit ileqquusumik ukiakkut katersuunnermi aalajangersarneqartassasut.

### **§ 39-mut**

§ 39, imm. 1 inatsisartut suleriaasiannut atuuttumut § 38, imm.1-imut naapertuuppoq.

§ 39, imm. 2-ip inatsisartut suleriaasiat atuuttoq § 38, imm. 2 ingerlateqqippaa, kisianni ima allannguuserlugu, oqaluuserisassanit immikkoortumik tunuartitsinissaq pillugu aalajangiineq Inatsisartut Siulittaasoqarfiannit aalajangerneqassalluni Inatsisartunit pinnani. Tamatuma kinguneraa aalajangersagaq inatsisartut suleriaasianni atuuttumi § 38, imm. 2, 2.-imi atuummat, tassani ilaasortaq immikkoortumik tunuartitseqqusilluni siunnersuuteqarsinnaanera, ingerlateqqinnejannngilaq.

Allannguut allannguummut § 4, imm. 1, 3.-imut attuumassuteqarpoq, tamatuma kingorna Siulittaasoqarfiup oqaluuserisassaanut nassuaataa Inatsisartuni isumaqatigiinniutigineqassanngilaq.

### **§ 40-imut**

§ 40 inatsisartut suleriaasiannut atuuttumut § 39-imut naapertuuppoq.

§ 40-imi piffissaliussaq aalajangerneqarpoq, Inatsisartuni katersunnerit pissusissamisornerpaamik ingerlanneqarsinnaanngorlugit taamaalluni katersunnerup ingerlanerani Inatsisartuni suliassat pitsaanerusumik agguataarneqarsinnaaqqullugit kiisalu Inatsisartunut ilaasortat katersunnissamut piareersarluarnissaat periarfissinniarlugu.

§ 41 naapertorlugu immikkut ittumik pisoqartillugu Inatsisartut Siulittaasoqarfiat inatsisartut suleriaasianni piffissaritaasut pillugit immikkut ittumik akuersissuteqarsinnaavoq.

### **§ 41-imut**

§ 41-ip inatsisartut suleriaasiat atuuttoq § 41 ingerlateqqippaa, kisianni ima allannguuserlugu, inatsisartut suleriaasianni piffissarititaasut immikkorluinnaq pisoqartillugu sanioqqunneqarsinnaanerannut piginnaatitaaneq Inatsisartuniit Inatsisartut Siulittaasoqarfianut nuunneqarluni.

Katersunnerit avataanni pissutsinik saqqummertoqarsinnaanera inatsisartut suleriaasianni piffissarititaasut sanioqqunneqarnissaannik pisariaqartitsilersinnaanermik allannguineq tunngavilorsorneqarpoq.

### **§ 42-mut**

§ 42 inatsisartut suleriaasiat atuuttoq § 42-imut naapertuuppoq.

Siunnersuutit assigisaallu piffissami qanoq ilinikkut Inatsisartunit suliarineqartussatut kissaatigineqartut ingammik arfininngornernut sapaatinullu atatillugu oqaluuserisassatut tunniussinertut apeqqummut § 42, imm.1 naleqqussaavoq.

§ 42, imm. 2 siunnersuutinik nalunaarutigineqartunik imaluunniit tunniunneqartunik, nassuaatinik, apeqquteqaat aallaavigalugu oqallinnernik imaluunniit apeqquteqaatinik agguassiniissamik nalunaaruteqarnissamillu Inatsisartut Siulittaasuannut pisussaaffiliivoq. Taamaattorli Inatsisartunut nalunaarutiginninneq Inatsisartut oqaluuserisassaanni pisinnaavoq, tak. § 43. Tamanna Inatsisartut periusaannut naapertuuppoq Siulittaasoqarfiup oqaluuserisassanut nassuaataa nalunaarutigineqartareratulli.

### **§ 43-imut**

§ 43 suleriaatsimi atuuttumi § 43-mut naapertuuppoq.

§ 43, imm. 1 Inatsisartuni ataatsimiinneranni oqaluuserisassaaggallartunik Inatsisartunut nalunaaruteqarnissamik Inatsisartut Siulittaasoqarfianut pisussaaffiliivoq.  
Nalunaarutiginninneq allagarsiussamut innersuussinikkut pisinnaavoq.

§ 43, imm. 2 ullup Inatsisartut ataatsimiiffiata naammassinnginnerani ullormi tullianik ataatsimiiffissami oqaluuserisassanik nalunaarutiginnittarnissamik ataatsimiinnermi aqutsisumut pisussaaffiliivoq.

§ 43, imm. 3-4 suleriaatsimi atuuttumi § 43, imm. 3-4-mut naapertuuppoq.

### **§ 45-imut**

§ 44 nutaajuvoq Inatsisartut aamma Naalakkersuisut pillugit inatsisartut inatsisaannut nr. 11 20. oktober 1988-imeersumi § 10, imm. 3-imut naapertuulluni allanngortinneqalaarlunili. Inatsisartut inatsisaanni aalajangersagaq taanna malillugu siunnersuutit, apeqquteqaatit suliassalluunniit allat danskit naalakkersuisuinit Naalakkersuisunilluunniit tuaviortutut isigineqartut ataatsimiinnermi pineqartumi oqaluuserisassanut ilanngunneqartassasut. Inatsisartut inatsisaanni aalajangersagaq Inatsisartut aamma Naalakkersuisut pillugit Inatsisartut inatsisisaattut siunnersummi ingerlateqqinnejannilaq, kisiannili Inatsisartut aamma Naalakkersuisut pillugit Inatsisartut inatsisisaattut siunnersummi § 13, imm. 2 malillugu, danskit Naalakkersuisuisa inatsisisattut siunnersuutaat kiisalu isumaqtigiiissutit Kalaallit Nunaannut atuuttussat atsiorneqarnissaannut siunnersuutit Inatsisartut aalajangiiffigisassaattut siunnersuutit Naalakkersuisunit saqqummiunneqartassasut.

§ 44-p taamatut oqaasertalerneqarnissaanik siunnersuuteqarnikkut erseqqissarneqarpoq inatsisinik Kalaallit Nunaannut atuussussanik taamatullu aamma nunat tamalaat akornanni isumaqtigiiissutit ilannguffiginissaannik danskit naalakkersuisuinit siunnersuutit ataatsimiinnermi ingerlasumi oqaluuserisassanut ilanngunneqarnissaannik Naalakkersuisut qinnuteqarsinnaasut. Akerlianik aalajangersagaq Inatsisartunik pisussaaffiliinngilaq ataatsimiinnermi ingerlasumi siunnersuutit taamaattut pinngitsooratik ilanngunneqarnissaannik, aamma naak taakku danksit naalakkersuisuinit Naalakkersuisunilluunniit tuaviortutut isigineqarluarpata. Tamanna Inatsisartut Naalakkersuisullu pillugit inatsisartut inatsisaanni § 10, imm. 3-mit allaanerussutaavoq.

§ 44 malillugu siunnersuutit saqqummiunneqartut suliarineqarnissaat eqqarsaatigalugu, tamanna pisassaaq siunnersuutit ataatsimiinneeq ingerlasoq sioqqullugu oqaluuserisassanut ilannguteqquneqarsimasut suliaqartarnerat assigalugu.

Aammattaaq tamanna § 33, imm. 4 malippaa, danskit Naalakkersuisuinit siunnersuutit Naalakkersuisunit saqqummiunneqartassasut.

Tamanna erseqqinnerusumik takuneqarsinnaavoq § 13, imm. 4-imi, kiisalu § 17 aamma 18-imi Namminersorneq pillugu inatsimmi nr. 473 12. juni 2009-imeersumi, suliassat sorliit danskit naalakkersuisuisa Namminersorlutik Oqartussanut oqaaseqarfingisassanngorlugit saqqummiuttassaneraat. Namminersorneq pillugu inatsimmi § 18-imi suliassat eqqaaneqartut,

soorlu allaffissornikkut malittarisassanut missingiutit taamaallaat Naalakkersuisunit suliarineqarsinnaammata tassa aalajangersakkat inatsimmi atuuttumi tunngavissaatinneqartut uani eqqartorneqarmata.

#### **§ 45-mut**

§ 45, imm. 1 suleriaatsimi atuuttumi § 44, imm. 1-imut, aamma Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersumi § 29, imm. 1-mut naapertuuppoq. Inatsisartut inatsisaanni aalajangersagaq Inatsisartut Naalakkersuisullu pillugit inatsisartut inatsissaannut siunnersuummi § 8-mi ingerlateqqinneqarpoq. Suleriaatsimili § 45, imm. 1-imi erseqqissarneqarpoq aalajangiisinhaassuseqarneq Inatsisartunut ilaasortat ikinnerpaamik affaasa sinnerisa najuunnerata saniatigut aamma ilaasortat minnerpaamik affaasa taaseqataasimanissaannik piumasaqaatitaqartoq.

§ 45, imm. 2 – 4 suleriaatsimi atuuttumi § 44, imm. 2 – 4-nut naapertuupput.

§ 45, imm. 4 46, imm. 3-mut atatillugu isigineqassaaq, qularnaarniassallugulu Inatsisartut periarfissasut isumaliutigissallugu ilumut pisussissamisuussanersoq aalajangiineq pereersoq allanngortinneqassappat.

#### **§ 46-mut**

§ 46-ip suleriaatsimi atuuttumi § 45 assigaa.

§ 46, imm. 1 imarisamigut Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersumi § 29, imm. 2-mut naapertuuppoq. Aalajangersagaq Inatsisartut Naalakkersuisullu pillugit inatsisartut inatsissaannut siunnersuummi ingerlateqqinneqanngilaq.

§ 46, imm. 2 Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersumi § 29, imm. 3-mut naapertuuppoq. Aalajangersagaq Inatsisartut Naalakkersuisullu pillugit inatsisartut inatsissaannut siunnersuummi ingerlateqqinneqanngilaq.

§ 46, imm. 3 Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersumi § 32-imut naapertuuppoq. Inatsisartut inatsisaanni § 32-mi aalajangersagaq Inatsisartut Naalakkersuisullu pillugit inatsisartut inatsissaannut siunnersuummi ingerlateqqinneqanngilaq.

#### **§ 47-mut**

§ 47 suleriaatsimi atuuttumi § 46-mut, aamma Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersumi § 11-mut naapertuuppoq. Inatsisartut inatsisaanni § 11-mi aalajangersagaq Inatsisartut Naalakkersuisullu pillugit inatsisartut inatsissaannut siunnersuummi ingerlateqqinneqanngilaq.

#### **§ 48-mut**

§ 48 suleriaatsimi atuuttumi § 47-mut naapertuuppoq.

### **§ 49-imut**

§ 49 suleriaatsimi atuuttumi § 48-mut naapertuuppoq.

§ 49, imm. 5-imi aalajangersakkakut Siulittaasoqarfik periarfissinneqarpoq ullan  
ataatsimiiffiusut 14-it tikillugit ilaasortamik Inatsisartut ataatsimiinnerinit mattussinissamut,  
Inatsisartunut ilaasortap pineqartup Inatsisartunut malittarisassiat annertuumik  
sumiginnarsimagaangagit. Folketingip suleriaasissaani taamaaqataanik aalajangersagaqarpoq.

Inatsisartut ataatsimiinnerini ilaasortamik taama peqataasinnaajunnaarsitsineq Inatsisartunut  
qinersineq pillugu inatsisartut inatsisaat naapertorlugu ilaasortap pisinnaatitaaffiinik  
annertuumik killiliineruvoq.

Naatsorsuutigineqarpoq aalajangersagaq pisortat ingerlatsineranni inatsisitigut tunngavissat  
naapertuutumik isiginiarneqartassasut, tamatumani minnerunngitsumik eqqarsaatigalugit  
pissaanermik equtitsinnginnissamik tunngavissat (illuinnaasiunngitsumik isiginiaqassat  
kisimik isiginiarneqarnissaat), naligimmik pinninnissamik tunngavissat (suliassat assigiit  
suliarineqarnerani assigiinngisitsisoqannginnissaanik tunngavissaq), aamma  
pineqaatissuussutip ajortuliamut naapertuutunissaanik tunngavissap (ajortuliap  
pineqaatissinneqarnerullu akornanni naapertuttoqarnissaanik taamatullu aamma  
pineqarnerup pisariaqartumit sakkortunerunnginnissaanik tunngavissaq).

Taamatut pineqarneq pineqaatissinneqarnertut isigineqarsinnaammatt, taamatuttaaq aamma  
naatsorsuutigineqarpoq, aalajangersagaq eqqartuussisarnermik inatsisimmi najoqqutassat  
naapertuutumik isigimallugit aqunneqarumaartoq, tassunga ilanngullugit imminut  
illersornissamut pisinnaatitaaffeqarnermik taamatullu aamma tunngavissalimmik  
nalornissuteqarnerit suugaluartulluunniit pineqartumut iluaqtissanngortinnejartarnissaannik  
tunngavissat.

Ilaasortaq mattunneqarsimasoq piffissami tassani aningaasarsiaqartinneqassanngilaq,  
aalajangersagarli piffissap ilaasortaajunnaarnersiuteqarfissap naatsorsorneqarneranut  
sunniuteqassanngilaq.

Inatsisartut Siulittaasoqarfiaita akuerisinnaavaa piffissami mattunneqarfimmi sinniisussamik  
ataatsimiigiaqqusisoqarsinnaasoq.

### **§ 50-imut**

§ 50 suleriaatsimi atuuttumi § 49-mut naapertuuppoq.

### **§ 51-imut**

§ 51 suleriaatsimi atuuttumi § 50-imut naapertuuppoq.

## **§ 52-imut**

§ 52 suleriaatsimi atuuttumi § 51-imut naapertuuppoq.

## **§ 53-imut**

§ 53, imm. 1 aaqqissuussaanera allanngortilarlugu suleriaatsimi atuuttumi § 52, imm. 1-imut naapertuuppoq. Aalajangersagaq taamatuttaaq Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersumi § 12, imm. 1-mut, Inatsisartut Naalakkersuisullu pillugit inatsisartut inatsisissaannut siunnersuummi § 9, imm. 1-imi ingerlateqqinnejartumut, naapertuuppoq.

§ 53, imm. 2, oqaaseqatigiit siullit suleriaatsimi atuuttumi § 52, imm. 2-mut aamma Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersumi § 12, imm. 2-mut naapertuuppoq. Inatsisartut inatsisaanni § 12, imm. 2-mi aalajangersagaq Inatsisartut Naalakkersuisullu pillugit inatsisartut inatsisissaannut siunnersuummi ingerlateqqinnejanngilaq.

§ 53, imm. 2, oqaaseqatigiit aappaat nutaajuvoq, maannamulli suleriaasisumut naapertuulluni.

## **§ 54-imut**

§ 54-ip suleriaatsimi atuuttumi § 53 allanngortilarlugu ingerlateqqippaa, taamaalilluni Inatsisartut Naalakkersuisullu pillugit inatsisartut inatsisissaannut siunnersuut § 9, imm. 2 assigalugu.

## **§ 55-imut**

§ 55-ip allannguuteqarluni suleriaatsimi atuuttumi § 54 aamma Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersoq § 34 ingerlateqqippai.

Isumaqtiginniarnerit saqqummersinneqartarnerat eqqarsaatigalugu nalinginnaasumik suleriaasisumut sanilliullugu aalajangersagaq pissutsinik allanngortitsinngilaq. Aalajangersakkulli periarfissiisoqarpoq Inatsisartut isumaqtiginniarnerisa tamanut saqqummiunneqartarnerannut atatillugu periarfissat iluarsineqartarsinnaanerinut, taamaalilluni qaqgukkulluunniit nalilerneqarsinnaaniassammat saqqummiussineq qanoq pissanersoq taamatullu aamma kikkut pisariaqartitsisanersut isumaqtiginniarnerit pillugit ingerlaavartumik ilisimatinneqartarnissamut. Taamaalillu Inatsisartut aalajangersinnaavaat isumaqtiginniarnerit taamaallaat elektroniskimik nittartaqaq pisartagaqarnerlu aqquqgalugit tamanut saqqunniunneqartalissasut, isumaqartoqarpat isumaqtiginniarnerit naqitanngorlugit suliat nalinginnaasumik soqtigineerussimasut, taamatullu aamma toqqortarinninneq isumannaatsumik pisinnaasoq.

§ 55 Inatsisartut Naalakkersuisullu pillugit inatsisartut inatsisissaannut siunnersuummi § 9, imm. 3-mut tapertaavoq.

## **§ 56-imut**

§ 56 suleriaatsimi atuuttumi § 55-imut naapertuuppoq.

Inatsisartunit ilaasortaajunnaarneq sulinngiffeqarnerluunniit pillugit aalajangersakkat  
Inatsisartut Naalakkersuisullu pillugit inatsisartut inatsisaat nr. 11-mi, 20. oktober 1988-  
imeersumi § 8-mi aalajangersarneqarput. Inatsisartut inatsimmi § 8-mi aalajangersagaq  
Inatsisartunut ilaasortat eqqarsaatigalugit allanngortitaarlugu Inatsisartut Naalakkersuisullu  
pillugit inatsisartut inatsisissaannut siunnersuummi § 4, imm. 2-mi ingerlateqqinneqarpoq.

Inatsisartunut ilaasortat Inatsisartunut ilaasortaajunnaarniarlutik imaluunniit Inatsisartunit  
sulinngiffeqarniarlutik inatsisit tunngavigalugit piumasaqarsinnaanngillat, Inatsisartunut  
ilaasortatut atuunneq inuiaqatigiinnit toqqakkatut suliassaqartitaanertut pisussaaffiummat.

Inatsisartut Inatsisartunit tunuarniuteqarnermik qinnuteqaat aalangiivigisassavaat, Inatsisartut  
Siulittasoqarfiata Inatsisartunit sulinngiffeqarniarnermik qinnuteqaatit  
akuerineqartarnissaannut pisinnaatitaalluni.

Qaquguukkut Siulittasoqarfiup Inatsisartunut ilaasortaq sulinngiffeqarniarneranit  
akuerisassaneraa, imaluunniit qaquguukkut Inatsisartunut ilaasortaq pissutissaqavissumik  
peqataasinnaannginnersoq, pisumit pisumit aalajangerneqartassaaq.

Aallaaviulluinnarpoq Inatsisartunut ilaasortat naatsorsuutigisinnaassanngimmassuk  
Inatsisartut ataatsimiinnerisa nalaanni ilaasortaajunnaarniarunik sulinngiffeqarniarunilluunniit  
akuerineqarsinnaanissartik.

Immikkorluinnaq pisoqartillugu aatsaat tamanna akuerineqarsinnaassaaq, taamatullu aamma  
sulinngiffeqarnissamik qinnuteqaat pineqartup Inatsisartuni suleqataanit aatsaat  
taperserneqarsimagaangat.

Pisut tamakku ilaatigut tassaasinnaapput

- Folketingip ataatsimiinnerinut peqataaneq,
- ilaasortaq allatut qinigaasimanini pissutigalugu Inatsisartut avataanni pisussamut  
ataatsimiinnissamullunniit peqataanissamut immikkut soqutigisaqarluinnarpat,
- ilaasortaq Naalagaaffiit Peqatigiit ataatsimeersuarneranni, Nunat Avannarliit  
Siunnersuisoqatigiiffiata sinniisoqarfiilluunniit allat Inatsisartut  
sinniisuitaqarfigisaasa, tassunga ilangullugit ataatsimiititaliat nunat tamalaat  
akornanni suliniaqatigiiffinnit pilersinneqarsimasut, ataatsimiinnerinut peqataassappat,
- Inatsisartunut ilaasortaq aaqqissuussineremi inuit akornanni tamatigoortumik  
soqutigineqartumi peqataanissaminut kaammattoorneqarsimappat,
- ilaasortap immikkut inuttut atukkat pissutigalugit allami peqataanissaa  
pisariaqaraangat, ass. ilaquttani qaninnerni napparsimaruluttoqaraangat  
toqusoqarsimagaangalluunniit,
- ilaasortap akunnattumik inuuissiornermi immikkut malunnaartinneqarnissaa  
kissaatigippagu,

- allatigut immikkut pissutsit tamanna pisariaqartileraangassuk.

Naatsorsuutigineqarsinnaassanngilaq Inatsisartut Siulittaasoqarfiata ataatsimiititaliap angalanissaanut, qanorluunniit angalanissaq sivikitsigissagaluarpat, akuersissuteqartarnissaa, soorlu aamma naatsorsuutigineqartassanngitsoq Inatsisartut Siulittaasoqarfiata “nalinginnaasumik” ilaqtutanut tikereernarnernut il.il. atatillugu taamatut akuersissuteqartoqartarnissaa.

Pissutsit taaneqartut saniatigut erninermut atatillugu sulinngiffeqarneq aamma Inatsisartunit sulinngiffeqarnissamut tunngavissaasinnaavoq. Sulinngiffeqarniarneq naartunermik erninermillu tamatumalu malitsigisaanik erninermut atatillugu sulinngiffeqarnissamik tunngavilersorneqarsimappat tamanna tamatigut Siulittaasoqarfimmit akuerineqartassaaq. Pissutsit taamaatsillugit Siulittaasoqarfiup naartunermi, erninermi meeravissiartaarnermilu sulinngiffeqarneq il.il. ullormusiallu pillugit inatsisartut inatsisaanni malittarisassat atortussavai.

### **§ 57-imut**

§ 57, imm. 1 suleriaatsimi atuuttumi § 56, imm. 1-imut naapertuuppoq.

Naalakkersuisunut ilaasortat Naalakkersuisunit tunuarniuteqartarnerat pillugu aalajangersakkat Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersumi § 8, imm. 1-mi aamma Inatsisartut Naalakkersuisullu pillugit inatsisartut inatsisissaannut siunnersuummi § 24, imm. 2-mi takuneqarsinnaapput.

§ 57, imm. 2 nutaajuvoq. Aalajangersagaq Naalakkersuisunut ilaasortat Naalakkersuisunit sulinngiffeqarniarlutik qinnuteqartarnerannut tunngavoq Inatsisartut Naalakkersuisullu pillugit inatsisartut inatsisissaattut siunnersuummi § 24, imm. 1 assigalugu. Aalajangersakkamut tassunga inatsisissatut siunnersuummut nassuiaatit innersuunneqarput.

Aalajangersakkakut inatsisartut inatsisaanni § 8, imm. 3-mi aalajangersagaq ingerlateqqinneqarpoq, taamaattorli allannguitigalugu massakkut Naalakkersuisut siulittaasuanut aalajangigassanngortinneqarmat Naalakkersuisunit ilaasortamit sulinngiffeqarnissamik qinnuteqaat akuerineqarsinnaassanersoq.

Naalakkersuisut namminneq aalajangertassavaat Naalakkersuisunut ilaasortaq qaqugu sulinngiffeqarsinnaassanersoq imaluunniit Inatsisartut ataatsimiinneranni peqataasinnaassannginnersoq. Taamatut pisoqartillugu Naalakkersuisut siulittaasut Inatsisartut siulittaasuanut nalunaaruteqartassaaq nalunaarutigalugu ilaasortap pineqartup suliassaqarfii kimit isumagineqarallarneqassanersut.

Inatsisartut Siulittaasoqarfiata naatsorsuutigaa Naalakkersuisunut ilaasortat Inatsisartut ataatsimiinnerisa nalaanni najuutinnginnissartik tunuarsimaarfigisassagaat, Siulittaasoqarfik isumaqarmat Inatsisartut ataatsimiitsillugit Naalakkersuisunut ilaasortat tamarmik najuuttarnissaat pingaaruteqartoq.

Naalakkersuisut ilaasortaq peqatigitillugu aamma Inatsisartunut ilaasortaappat pineqartup sulinngiffeqarnissamik qinnuteqaataa Naalakkersuisusunut ilaasortatr sulinngiffeqartarnerat pillugu § 57-mi malillarisassat malillugit suliarineqartassaaq Inatsisartunut ilaasortat sulinngiffeqartarnerat pillugu § 56-imil malittarisassat malinnagit.

§ 57. imm. 3-p suleriaatsimi atuuttumi § 56, imm. 2 assigaa. Aalajangersakkakut qularnaarniarneqarpoq Naalakkersuisut siunnersuutaannik Inatsisartut tamatigut suliariinnissinnaasut naak Naalakkersuisunut ilaasortaq siunnersummik suliassaqarfilik Inatsisartut ataatsimiinneranni peqataasinnaanngikkaluarpalluunniit.

### **§ 58-imut**

§ 58, imm. 1-ip suleriaatsimi atuuttumi § 57, imm. 1 marlussunnik allannguuteqartilaarlugu ingerlateqqippaa.

Allannguuit malitsigalugit qaqugukkut inatsisartunut ilaasortamut sinniisussamik ataatsimiigiaqqusisoqartarnissaannut oqartussaassusijagaaneq taamatullu aamma Inatsisartunut ilaasortap qinigaasinnaassutsiminik annaasaqarnera ilanngunneqarput. Allannguuit taakku Inatsisartunut qinersisarneq pillugu inatsisartut inatsisaanni nr. 9-mi, ulloq 31. oktober 1996-imeersumi § 53, imm. 1-imut naapertuupput.

Taamatuttaaq oqaatsit “sinniisussaq pineqartoq” allanngortinneqarpoq “sinniisussaq”-ngortillugu. Tamatumunnga pineqartoq qinersisarneq pillugu inatsimmi kingullermi Inatsisartunut ilaasortat namminerisaminnik sinniisussaqtarunnaarnikuummata.

Allanngortitsineq pissutsinik atuuttunik allanngortitsissanngilaq.

§ 58, imm. 1-imil qaqugukkut Inatsisartunut ilaasortamut sinniisussamik ataatsimiigiaqqusisoqartassanersoq malittarisassaqartinneqarpoq. Aalajangersakkami pineqarput pisut Inatsisartunut qinersisarneq pillugu inatsisartut inatsisaanni nr. 9-mi, ulloq 31. december 1996-imeersumi § 53, imm. 1-imil takuneqarsinnaasut. Pisut qinersisarneq pillugu inatsimmi taaneqartut saniatigut suleriaatsimi § 58, imm. 1-imil aalajangersarneqarpoq ilaasortat sulinngiffeqarpat imaluunniit pissutissaqavilluni peqataasinnaanngippat aamma sinniisussamik ataatsimiigiaqqusisoqartassasoq.

Suleriaatsimi atuuttumi § 57, imm. 1-imil aalajangersagaq Inatsisartut Naalakkersuisullu pillugit inatsisartut inatsisaanni nr. 11-mi, 20. oktober 1988-imeersumi § 8, imm. 5, oqaaseqatigiit aappaannut naapertuuppoq, inatsisartut inatsisaanni nr. 10-mi, 21. oktober 1989-imeersumi oqaasertalerneqarsimasutut. Inatsisartut inatsisaanni § 8, imm. 5-imil aalajangersagaq Inatsisartut Naalakkersuisullu pillugit inatsisartut inatsisissaannut siunnersummik ingerlateqqinnejqanngilaq.

Qinersisarneq pillugu inatsimmi malittarisassat naapertorlugit takuneqarsinnaavoq kikkut sinniisussatut qinerneqarsimanersut taamalu aamma qanoq tulleriinneqarlutik pisariaqalerpat Inatsisartunut ataatsimiigiaqquneqartassanersut.

§ 58, imm. 2 suleriaatsimi atuuttumi § 57. imm. 2-mut naapertuuppoq.

### **§ 59-imut**

§ 59 imm. 1-imi allanngortilaarlugu suleriaatsimi atuuttumi § 58-imut naapertuuppoq.

Allannguut tassaavoq akissaateqarfik 37 aalajangiisuujunnaarluni maanna akissaateqarfik 39 aalajangiisunngussammat qaqugukkut Inatsisartut Siulittaasoqarfia Inatsisartut ataanni tjenestemandinik atorfifillinnilluunniit allanik atorfinititsisuullunilu soraarsitsisiusassanersoq. Tamatumunnga pissutaavoq kattuffiit isumaqatigiinniarsinnaatitaasut isumaqatigissuteqarfingineqarsimammata atorfifit pineqartut siusinnerusukkut akissaateqarfifit 37-ianniikkaluartoq akissaateqarfifit 39-iannut nuunneqarnissaannik.

§ 59, imm. 1 taaneqartumi allannguiteqarluni suleriaatsimi atuuttumi § 58, imm. 1-imut naapertuuppoq.

§ 59, imm. 1-imi aalajangersagaq Tjenestemandit Inatsisartut suliffeqarfifini atorfillit pillugit inatsisartut inatsisaanni nr. 4-mi. 20. maj 1998-imeersumi §§-inut 4-mut 28-mullu atatillugu isigneqassaaq. Aalajangersakkat taakku malillugit Inatsisartut ataanni tjenestemandit Inatsisartut Siulittaasoqarfia Inatsisartut atorfinititsinnejarlutillu soraarsinnejarlutarpuit.

Suleriaatsimi § 59, imm. 1-2-mi aalajangersarneqarpoq qaqugukkut Siulittaasoqarfik imaluunniit Inatsisartut siulittaasuut siulittaasulluunniit tamatumunnga pisinnaatitaa atorfinititsinissamik soraarsitsinissamilluunniit suliassami aalajangiisussaanersoq.

Akissaateqarfik atorfimmut atuuttoq aalajangiisuuvoq qineqartoq qaqugu Inatsisartut Siulittaasoqarfia Inatsisartut siulittaasuut siulittaasumilluunniit tamatumunnga pisinnaatitamit, atorfinititsinnejarlunilu soraarsinnejarlutarpuit. Sulisut ataasiakkaat ataasiakkaarlutik atorfefarnerinut atugassarititaasut apquttaanngillaq. Assersuutigalugu pineqartoq isumaqatigiissutit malillugit atorfefartinnejqarsinnaavoq, tjenestemandinut assingusumik atorfefartinnejqarsinnaalluni imaluunniit immikkut inuttut isumaqatigissuteqarnikkut atorfefartinnejqarsinnaalluni.

§ 59, imm. 3-p malitsigaa Inatsisartut Ombudsmandiata nammineq sulisuminik atorfinititsisarluni soraarsitsisartussaanera. Naallu toqqaannartumik allanneqarsimanngikkaluartoq erseqqilluinnarpoq Inatsisartut Ombudsmandiat sulisunik atorfinititsillunilu soraarsitsisinnaammat aningaasaliissutitigut killiliussat Inatsisartunit Ombudsmandinut atugassiissutigineqarsimasut iluanni.

Inatsisartut Allattoqarfia Ombudsmandimilu tjenestemandinut akissarsiitigut atorfefarnermilu atugassarititaasut tjenestemandit Inatsisartut suliffeqarfifini atorfillit pillugit inatsisartut inatsisaanni nr. 4-mi, ulloq 20. maj 1998-imeersumik malittarisassaqartinnejqarput.

## **§ 60-imut**

§ 60 suleriaatsimi atuuttumi § 59-imut naapertuuppoq.

## **§ 61-imut**

Aalajangersagaq nutaajuvoq allanngortilaarlugulu Inatsisartut Naalakkersuisullu pillugit inatsisartut inatsisaanni nr. 11-mi, ulloq 20. oktober 1988-imeersoq § 20-mut naapertuulluni.

Inatsisartut inatsisaanni aalajangersagaq Inatsisartut Naalakkersuisullu pillugit Inatsisartut inatsisissaannut siunnersuummi ingerlateqqinnejanngilaq.

Inatsisartut inatsisaanni aalajangersagaq pinngitsoorani malitassatut oqaasertaligaavoq, malitsigissallugulu aalajangersakkamisut pineqartillugu qinigaaffiup sinneranut atuuttussamik nutaamik inissititertoqassasoq.

§ 61-ip malitsigissavaa Inatsisartut tamakkiisumik ilaannakortumilluunniit nutaamik inissiternissartik toqqarsinnaassammassuk Naalakkersuisut atuukkunnaarsinneqarpata Naalakkersuisunillu nutaanik qinersisoqarpat Inatsisartunut nutaamik qinersisoqanngikkaluartoq.

Aalajangersakkami pineqartoq tassaavoq Inatsisartut katitigaanerat eqqarsaatigalugu naalakkersuinikkut pissutsit allannguiteqaraangata Inatsisartunut nutaamik qinersisoqarsimannngikkaluartoq. Assersuutigalugu tamanna pisinnaavoq ilaasortaqtatuaaseq arlallilluunniit partiimit ilaasortaaffigisaminnit allamut nuuppata Naalakkersuisuutaqartunut tunuliaquajunnaarlutik.

Pissutsit taamaatsillugit pissusissamisuussaaq Inatsisartut naalakkersuinikkut katitigaanerat nutaaq Naalakkersuisut nutaanik taarserneqarnerannik malitseqaannarani aamma Inatsisartut nutaamik inissiternerannik malitseqarpat. Tamannali ima kinguneqartariaqanngilaq nutaamik inatsisartunut qinersisoqarsimannerata kinguneratulli nutaamik qinersisoqartariaqarnissaa. Tamanna Inatsisartut namminneq aalajangiivigisassaraat pisut apeqquaallutik. Assersuutigalugu Inatsisartut aalajangersinnaavaat taamaallaat ataatsimiitidianut ilaasortassanik qinersisoqassasoq, § 24 naapertorlugu siunnersuisoqatigiiffinnut, aalajangiisartunut (nævninut) il.il. natsisartut sinniisuititaqarfigisaannut aallartitassanik qinersisoqarani. Siunnersuisoqatigiiffinnut aalajangiisartunullu il.il. aallartitassanik qinersineq aamma inatsisit ileqqoreqqusalluunniit siunnersuisoqatigiit aalajangiisartullu il.il. pineqartut pillugit atuuttut malillugit aamma pisartussaapput.

Tamatuma akerlianik Inatsisartut Ombudsmandiat pillugu Inatsisartut inatsisaanni nr. 8, ulloq 3. december 2009-meersumi §§-it 1 aamma 5 malillugit Ombudsmandimik Sætteombudsmandimillu qinersisoqartassanngilaq suleriaasissamut nutaamut siunnersuummi § 61-imi allaaserineqartut pisoqassagaluarpat.

Inatsisartut allatut aalajangiitinnagit siulittaasoq ingerlasoq ataatsimiinnernik aqutsisuusassaaq.

### **§ 62-imut**

§ 62 nutaajuvoq. Aalajangersagaq Inatsisartut Naalakkersuisullu pillugit inatsisartut inatsisaanni nr. 11-mi, ulloq 20. oktober 1988-imeersumi § 36-imut naapertuuppoq. Inatsisartut inatsisaanni aalajangersagaq Inatsisartut Naalakkersuisullu pillugit Inatsisartut inatsisissaattut siunnersummi ingerlateqqinnejilaaq.

### **§ 63-imut**

Suleriaatsip ulloq 1. december 2010 atuutilernissaa siunnersuutigineqarpoq.

Suleriaatsip nutaap atuutilerneranut peqatigitillugu suleriaatsip atuuttup 4. november 1999-imeersup kingusinnerusukkut allannguutai ilanngullugit tamakkiisumik atorunnaarsinneqarnissaa siunnersuutigineqarpoq.

### **ILANNGUSSAQ-mut**

Piffissat oqaaseqarfiusinnaasut pillugit Suleriaatsimut ilanngussap taamatut oqaasertalerneqarnerata malitsigissavaa inatsisissatut siunnersuutit, aalajangiiffisassatut siunnersuutit aamma nassuaatit oqallisigineqarnerini kisialu ammaanersiorluni oqallinnermi partiit oqaaseqarnerinut inaarutaasumillu oqqaseqarnermut atatillugu amerlanerusunik apeqquteqarsinnaanermut akissuteqarsinnaanermullu periarfissiisoqarnera.

Peqatigitillugu Naalakkersuisut periarfissinneqarput ammaanersiorluni oqallinnermut atatillugu 20 minutsit tikillugit inaarutaasumik oqaaseqarsinnaanerminnut.